

JUSTITIA 18.^a
BELL^{ET} ET PACIS

IN
STATU REGNI PORTUGALLICI
FUNDATA,
SIVE

HISTORIA PORTUGALLIÆ,

In qua quæ recensentur Bella gesta, Foedera inita, Judicia in-
stituta, Leges fundamentales, Ordinationes politicae, aliaque
Acta publica & domestica, à parte Portugallorum juxta, Na-
turæque ac Gentium Juri consentanea esse,

PRÆSIDE

VIRO AMPLISSIMO, EXCELLENTISSIMO ATQVE
CONSULTISSIMO.

DN. HENRICO COCCEJO,

ANTECESSORE, DECRETAL PANDECTARUM ET JURIS GENTIUM
IN ALMA ARCHI-PALATINA PROFESS. ORDINARIO, ET REGI-
MINIS ELECTORALIS CONSILIARIO GRAVISSIMO,
DNO. ET FAUTORE SUO COLENDISSIMO,

Ad Diem Julii, M DC XXXVII.

Defendit

BURCHARDUS NEUKIRCH, Westph. Paderb.

AUTOR & RESPONDENS.

Hodie Consiliarius Electoralis Palatinus, & Præfectus
urbi Heidelbergensi.

Editio altera.

Francofurti Viadrum. LITERIS CHRISTOPHORI ZEITLERI, 1710.

21
SERENISSIMO. POTENTISSIMOQUE
PRINCIPI. AC. DOMINO.

DOMINO.

PETRO. II.

REGI. PORTUGALLIÆ. ALGAR-
BIORUM. CITRA. ET. ULTRA. MARE. IN.
AFRICA. DOMINO. GUINEÆ. CONQUI-
TIONIS. NAVIGATIONIS. ET. COM-
MERCII. ÆTHIOPIÆ. ARABIÆ.
PERSIÆ. INDIAEQUE
&c. &c.

DOMINO. MEO. CLEMENTISSIMO.

NEG. NON.

SERENISSIMÆ. AC. AUGUSTISSIMÆ.
PRINCIPI. AC. DOMINÆ.

DOMINÆ.

MARIÆ. SOPHIÆ.
ELISABETHÆ.

REGINÆ. PORTUGALLIÆ. AL-
GARBIORUM. CITRA. ET. ULTRA. MARE. IN.
AFRICA. &c. NATÆ. COMITI. PALATINÆ. RHENI.
DUCI. BAVARIÆ. JULIACI. CLIVIÆ. ET. MONTIUM.
COMITI. VELDENTIÆ. SPONHEMII. MARCÆ.
RAVENSPURGI. ET. MEURSIÆ. DO.
MINE. RAVENSTEINI.
&c.

DOMINÆ. MEÆ. CLEMENTISSIMÆ.

SERENISSIME. AC. POTENTIS-
SIME. REX.


DOMINĒ. CLEMENTISSIME,

NEC NON

SERENISSIMA. ET. AUGUSTIS-
SIMA. REGINA.

DOMINA. CLEMENTISSIMA.

Dum Orbis terrarum fortunatissimo applaudit Hy-
menæo; Dum regiis tadis nuptialibus accenden-
dis occupatur, & pro Majestatum Vestrarum
regalisque hujus Conjugii felicitate unanimi suf-
fragio publica vota nuncupat; liceat & mihi
inter hymenæos, inter conjugales tadas, inter vota deni-
que publica, hanc qualemcumque submississime observantia tesse-
ram Vestris Majestatibus humillimo cultu studioque exhibere.
Ea quidem est regii hujus connubii singularis magnificentia atq;
excellens conditio, ut culpa temeritatis non possit vacare is, qui,
dum infinitis propemodum intervallis à luce tanta Majestatis
secernitur, Regalibus istiusmodi pompis ingerere sese integra
fronte ausus fuerit. Attamen, quantum verecundia affert ad-
miratio Majestatis, tantum accedit animi ac fiduciæ ex commu-
nitione gaudii publici; cum, ut letitia ad omnium animos, ita
gratulandi studium ad omnium officium pertinere, ejusque co-
pia non summis modo, sed & mediis atque infimis concessa esse vi-
deatur. DEUM! immortalem! quale, quantumque istud est
matrimonium! Quam bonis omnibus exoptatum! Quam digni-
tate augustum, celebritate famosum, splendore magnificum, omi-
ne fortunatum! Videre mihi videor CRUCEM LUSITA-
NICAM*



NICAM. **felicissimi ominis; videre videor Salomonem in throno; Regem, inquam, video, cui Sapientia desponsatur, Virago Palatina, SOPHIA nominis & omine, cui proinde patet janua, nuptias regias celebraturæ. Commendavit suum Olympias Alexandrum à sapientia, quod uxorem duxerit, non tam oculis quam auribus, plusque tribuendum censuerit sparsorumori, quamvis pulchritudini. Extollat tua Te Lusitania, Rex Potentissimæ, qui SOPHIAM duxisti auribus, ut appareret, oculos non esse solos in amore Duces. Ablegasti Virum gravitate, autoritate, prudentiaque insignissimum, ac rerum gerendarum dexteritate Peregregrum, illustrissimum Excellentissimumque Dn. Emanuelem Tellesum Silvium, Comitem Villar-Majorum, ut, quod res esset, ex tanto, tamque perspicaci acciperes iudicio. Audivisti, & à vide audivisti, qui morum cultus, quæ laus, quæ animæ dotes Regiæ Tuæ Sponsæ essent; & hinc pulcherrimè dotatam esse, cum Plauto sciebas. Inventa tibi est Regia Conjux, qualem Claudio Imperatori quæsitam in Senatu Romano, & Principi cuique quærendam esse, ait solertissimus morum Principalium scrutator Tacitus; Sanctimoniam, spe fecunditatis, & nobilitatè insignem. Et conjugem Regiam, quam Tacitus verbis, re SOPHIA Palatina exhibet. Exoptasti sanctimoniam in Coniuge, Potentissime Rex? En ipsum pietatis vultum & sanctimoniam faciem! Spem fecunditatis secutus est? En sponsam ex Serenissima Domo Palatina, cui gentile quasi & laus familiaris est facunditas! Nobilitatis vero apicem quis dicendo consequetur? Constat, domum Palatinam, florem esse Nobilitatis Germanicæ, & omnis Serenitatis in Imperio, quin in toto propè Europæo orbe Christiano, complexum atque compendium. Natales suos illa habet cum ex Carolo Magno Imperatore, tum ex Conradorum vetustissimo sanguine Salico, id est, Palatino; quæ duæ sunt Nobilissima profapiarum Imperii Origines. Præterea verò Domus hæc per Universam propè Europam,*

X 3.

*(Crux insigne Lusitanicæ)



pam, & suprema ejus capita Genus suum Nobilitatemque diffundit. Quis enim credat, Serenissimam hanc domum Electoralem Neoburgico-Palatinam, Regiæ Sponsæ Genitricem, XXII. Cæsaribus illustrem esse, atque de stirpe sua masculina XI. Imperatores Romanos orbi dedisse? At tot computat Dominicus Franciscus Calin de Marienberg in Libro cui titulus: Gentilitius honos Seren. Neoburgicæ Prosapia. Quis credat, eam sex Imperatrices, præter modernam Gloriosissimam Augustam: viginti septem Reges Hispanos, Castellæ, Arragoniæ Legionis, & Asturum: sex Reges Franciæ: quatuor Reges Lusitanæ: quinque Reges Angliæ: Novendecim Scotiæ: totidem Navarræ & Siciliæ: unum & viginti Reges Hungariæ & Bohemiæ: quinque Reges Poloniæ: undecim Daniæ & Sueciæ: Tredecim Reginas variarum Nationum, præter modernam Regiam Sponsam Lusitanæ: Electores duos Brandeburgicos, unum Saxoniam, &c. produxisse? Id verò asserit & singulorum quoque nomina ordine per deductiones singulas particulatim & explicatius exhibet Tractatus, qui inscribitur: Annulus memoriæ, Serenissimo Principi Josepho Jacobo Archiduci Austriæ, filiolo Cæsareo, Regiæ Sponsæ ex Augusta sorore Nepoti, dicatus & consecratus. Taceo Cæsareas Regiasque filias in Domum Palatinam ejusque thalamos deductas, quo nomine Rupertus Imperator Palatinorum Pater, Adolphum Imperatorem, Atavum, ipsumque adeo Habsburgensium Heroem, Rudolphum I. Magnum illum Augustissimæ familiæ Austriacæ Autorem, Tritavum habuit. Taceo Duces ac Principes, qui hodieque Palatinatum Bavariamque prolixo numero, & immortalis Nominis sui gloriæ ac Heroicarum Virtutum laude insignes tenent. Memorandum verò ante omnia esset geminum illud familiæ Palatinae ac Bavaricæ, cum gloriosissima Austriacæ ac Cæsareæ Connubium hodiernum, cujus necessitudinis vinculo orbis terrarum continetur. Memoranda quoque foret summa ac vetustissima Comitatus Palatii Imperiis dignitas, quæ Sacra Cæsareæ purpura semper proxima fuit. Sed
majora



majora & ampliora longè hæc sunt, quam ut paucis absolvi possint. Materni quoque stemmatis vetustas imagines ac gloriam quis nescit? Serenissimam inquam & Heroum feracem Landgraviorum Hassiæ gentem, ex qua Serenissima Electrix, Regia sponsa Mater, originem ducit, quæque à veteribus Brabantie Ducibus olim orta, in hoc usque tempus inter præcipuas Principum Germaniæ familias locum & dignitatem obtinuit. Hæc est Nobilissimi sanguinis Palatino-Neoburgici in Serenissimam Principem SOPHIAM sponfam Regiam derivati quædam delineatio. Atque iste omnis per plurimorum Heroum nomina deductus, nullaque vulgi face contaminatus sanguis, in Serenissima hac Virgini Palatina, veluti in vivo quodam, eoque gratiosissimo compendio collectus, ita resplendet, ut in illa Majorum virtutes civis veluti characteribus descriptas conspiciere liceat. Quam cum intueor, cum Claudiano merito exclamo: Quis venerabilior sanguis, quæ major origo! Quam benè itaque conveniunt, solioque morantur in uno, PETRUS & SOPHIA, Salomon cum Sapientia? Qui sicut aurea felicitatis tempora à regni sui primordio in Lusitaniam invexit, ita patriam universam, spe nascenturorum pignorum excitatam, amabili porro rerum omnium successu cumulabit. Id quod Lusitani Nominis studiosa precatur Germania, & festivis plausibus exoptat gens Palatina, exoptat Academiæ Germaniæ Mater (nostram Electoralem Palatinam dico) gratulabunda. Quorum Congratulantium vocibus ut subditus me immisceam? Sed Jove tonante sileant ranae! Ubi Reges & Principes Regias nuptias gratulando celebrant, sileant privati. Ubi vox publica Universitatis solenni panegyri id officium exequitur, taceant singuli. Tacebo itaque & ad radios M. M. Vtrum oculos demitto & obmutesco, mutasque hæc chartas humillimas, pro me loqui patior. Sed quid? Pagina judicium docti Principis subitura, movetur, testate. Exilis hac pagina M. M. Vtrum oculis exhibita quidni moveatur? Verum quoniam addit cum publicæ lætitiæ communio atque societas:



societas: tum operis hujus argumentum, quod Justitiam Belli & Pacis in statu Regni Portugallici fundatam exponit, uti etiam, quò publicè magis appareat, in Academia hac ex Cathedra defendendam suscepi. Cum igitur Justitiam defendam, non debui contra communes justitiæ regulas (quæ præcipit suum cuique tribui) committere, ut quicquid id est operis ac laboris, aliis, quam M. M. VVris, consecraretur. Non debuit, inquam, quod Vestrum est, Vestrique gratiâ humillimo cultu studioque conscriptum, nisi Vestris aris imponi; Deos alienos adorare nolui. Accipe igitur Serenissime Rex, accipe Serenissima Regina, hoc quidquid est ihuris, quod Regiis Nominibus Vestris adoletur: Favete huic Lucubrationi, quæ conata est decantatam Orbe toto amplissimi Regni Vestri gloriam præsentî memoriæ, publicæque admirationi subjicere. Eam quod illustrare positis, Vestra est Regiæ dignitatis, quod velitis, summæ virtutis ac pietatis! Ego utramque veneratus, atque ad regale solium provolutus, Ei ex illo hoc opusculum humillime dico, offero, consecro,

SACRARUM REG. MAJESTATUM VVrum

*Humillimâ devotione subiectissimus
servus*

BURCHARDUS NEUKIRCH.



SECTIO I.

Exhibens Justitiam Belli & Pacis fundatam

In

Historia Regum Portugalliae,

Ex Mariana, Resendio, Thuanò, Conestagio, Texera,
Victorio Siri, Thuldeno, aliisque Historiogra-
phis desumptà.

ART. I.

De

Origine Regni Portugallici.

I.

Portugallia, comprehendens potiore Lusita-
niæ veteris partem, & non à Gallia, sed à por-
tu Gale ita dicta, sub Roderico, Gotthorum Regis
ultimo, cum reliqua ferè Hispania ad Mauros
devenit, ab iisque diu usurpata fuit; donec sen-
sim Christiani Reges eos iterum expellerent, ac
imprimis Ann. 1693. Alfonsus Sextus, Rex Castilia & Legionis, qui
Toletum expugnavit, contra Mauros meditaretur arma, & auxi-
lia exterarum Potestatum acciret. Ad Alfonsum igitur Imperato-
rem, in afferenda Hispania laborantem, conveniebant magni vi-
ri, miliziam suam Christiano nomini devoventes: Inter quos emi-
nuere Raimundus Comes S. Egidii & Henricus Lotharingia Co-
mes,

A

mes,

mes, quem Bisantii in Burgundia natum, alii, ambiguo Bisantii duplicis nomine decepti, Constantinopolitanum dixerunt. Horum ut necessitudine arctius se muniret Alfonso, eos filiarum connubiis sibi devinciendos existimavit. Theresiam igitur filiam minorem sibi valde dilectam, ex Simena uxore & Regina natam, Henrico Lotharingie Comiti in matrimonium dedit. Atque, ut insigniore officio ac nexu virum maximum sibi associaret, Gallacia tractum, qui tralos montes sive ultra montanus dicitur, totumq; id, quod recentiori vocabulo Portugalle tunc dicebatur, à Durio flumine usque ad Lusitaniae urbem Conimbricam, jure clientela in remunerationem virtutis militaris, dotisque nomine assignavit, & liberum ei fecit, eam quoque Lusitaniae partem, qua à Saracenis usq; ad Beticae confinia occupata fuerat, recuperare, suoque dominio adjicere. Raimundo vero filiam majorem, cui regnum debebatur, Alphonsus sponndit. §. 2. Henricus ex Theresia conjuge, quae semper Regina fuit appellata, filium genuit Alphonsum Henricum, qui Patri A. C. 1112. defuncto impubes successit in Principatu, Dux primùm Portugalliae dictus, cujus ditionem vitricus, Ferdinandus Pazius, Comes Trastamarae, cui mater denuò nupserat, sibi arrogabat. Sed Alphonsus jam adultus, armis in vitricum sumtis, feliciter eum cædebat & sedibus Portugalliae ejiciebat; Matrem vero carceris custodia detinuit; Quae, imploratis Alfonsi VII. Castiliae Regis auxilium, Portugalliam, filio suo exheredato, ipsi promisit. Sed Alphonsus Dux Portugalliae Castilianos praelio fudit, quâ victoriâ à jure dominii directi Castellanos se liberatum contendebat. Deinde bella gessit quamplurima, urbes multas expugnavit, Saracenorum potentiam fregit. Quare commotus Ismarius, magnae partis Africae, Beticaq; Rex, convocatis quatuor aliis Regibus, tam ex Africa, quam ex tota ulteriore Hispania, tantas congregavit copias, ut quadrigentia millia hominum exercitus superasse dicatur. §. 3. His copiis confisus Ismarius in Alphonsum properabat, lentis itineribus sed ad vin-

ad vindictam conitatisimo. Nec ille segniter processit obviam. In agro igitur Orchienſi paulo infra Caſtrum viride oppidum, non procul a conſtante Cobris & Tergis fluviorum, in mutuum conſpectum venientes caſtra poſuerunt: Inſedit tumulum Alſonſus, ubi vetus ſacellum erat, in quo ſenex quidam proſecta ætatis eremiticam vitam agebat, inter Maurus ob paupertatem & vite ſanctimoniam nullius injuriâ laceſſitus. Non videbatur Alſonſi militibus ſani eſſe conſilii, cum tantâ multitudine hoſtium, qui circumcluſa Alphonſi agmina ſpe jam devorabant, & centum ſingulis opponere poterant, conſigere, ſed militum animos oratione ſpei & fiducia plenâ Princeps confirmavit; dimiſiſque ad curandum corpora, craſtinum diem, qui Jacobo Apoſtolo, Hiſpaniarum Patrono, ſacer erat, expectari voluit. S. 4. Cum adveſperâſceret, Anachoreta ille Alſonſum adit, fortique eſſe animo admonet, & auditio tintinabuli, quod in ſacello erat, ſonitu, ſignum Servatoris cruci ſuffixi appariturum illi promittit. Primo itaque diluculo ad tintinabuli ſonum Alſonſus ſuſpexiſſe promiſſum Servatoris ſignum, ejusque viſi voluptate abreptus adorâſſe eum ac victoriam contra infideles rogâſſe dicitur. S. 5. Hoc conſpectu lætus, animoque firmatus, & jucundiſſimè affectus arma poſtulat, armarique milites imperat. Quem jam ſigna canjubentem Proceres adeunt, & ut Regem ſe ſalutare militibus permittat, flagitant. Quod ille modeſtè recuſans, ſatisque honorificum ſibi inter milites Ducis nomen eſſe cauſatus, operam darent monuit, ne Dux milites deſideraret; ſibi curâ fore, ne ipſos Ducis ſui pœniteret. Cum verò inſtarent milites, & ſerè cogerent, & animum ſibi eſſe jactarent pro Rege pugnare ardentius, vincere honeſtius, ac mori alacrius, tandem magnis vocibus inter tubas, lituos, & tympana ter acclamatum: Alphonſo Henrico, primo Luſitaniæ Regi, vita & victoria. Data inde militibus teſſerâ, ferabatur in hoſtes. S. 6. At par-
te ex alia cum innumerabilis illis Barbarorû exercitiis variis di-
A 2 ſonique

sonisque clamoribus, horribilique fragore perstreperet, commissum est praelium sanguinolentum & pertinax, à prima diei hora usque ad meridiem; donec Ismarus, rebus desperatis & amisso in conflictu Consobрино, cui sui corporis custodiam mandaverat, nomine Honor Atagor, Halli Regis nepote, fuit ipse, & una Reges qui praelio intererant. Tantum autem sanguinis effusum dicitur, ut ex cadis loco rivuli in Cobrin atque Tergem decurrerent. Quin insecutà paucos post dies pluviam, cum tinctam atro sanguine superficiem lavisset, crevissentque rivi, Terges, qui ad consuetas Cobrin recipit, etiam usque ad Anam aquas infectas pertulisse legitur. §. 7. Alfonsus igitur novus Rex, ac tot Regibus uno praelio devictis, Regio bonore plusquam dignus, consueto Victoribus more, in castris triduo permansit, & concessa militibus praeda, ipse, qui tum niveo scuto utebatur, nova insignia commensus, primum ejus signi, quod modo memoratum est, veneratione, in argentea scuto cœruleam crucem formavit; tum in memoriam de quinque Regibus parta victoria scuta quinque per ipsam crucem distinxit, & in unoquoque triginta nummos argenteos figuravit, quod totidem mundi Servator venditus esset: quæ nummorum figura à posteris Regibus commodius ita mutata est, ut singulis scutus s. nummi inscripti, simul cum ipsis scutis numerum triginta explerent. Hæc tunc ibi sumpta insignia. De Castellis vero aurei septem, quæ in rubro campo scuti regii oras ambiunt, vid. inf. art. 2. §. 4.

Quæst. I.

Ad §. 1. verb. In remunerationem virtutis militaris dotisque nomine assignavit &c.

An hæc origo Regni Portugaliæ iusta sit? Resp. Originem eam esse justissimam juxta ac gloriosissimam. Hæc equidem later, quam agitata in Germania, Gallia, Suecia ac alibi sæpe fuerit questio de jure alienandæ partis Regni vel

vel Principatus; viderurq; dicendum, quòd Rex non possit regnum, ejusve partem alienare, adeoq; nec dotis nomine in alium transferre: id quod Gallia sibi lege quadam Salica datum prætendit: Regia enim potestas in administrando & conservando, non verò in destruendo sive abutendo consistit, eoque differrà dominio privato, quod potestatem abutendi & consumendi quoq; continet; neque verò regna sunt patrimonialia, sive jure successionis, sive occupatione acquisita sint. Sanè si titulò privato, V. G. empti vel donati regnum acquisitum jure fuerit, jus ita ritè quæsitum eodem modo iterum alienari potest. Verum pro decisione quæstionis nostræ dicendum, non omnem alienationem ad destructionem seu deteriorationem Imperii, sed aliquando ad conservationem ejus pertinere, & partem administrationis esse, nimirum si necessitas, vel utilitas totius, aut officii ratio alienationem partis requirat; quod non subditorum, sed ipsius Principis judicium est. Ita si in re dubia per transactionem aut pacis redimendæ causâ, pars alienetur, valebit, ceu conservandi totius causâ factum. Imprimis verò ad officium Principis pertinet, bene meritos de Republica, quorum operâ conservata ea est, remunerare: Nulla enim *Republica ratione quadam & disciplina designatam videri, si in ea non remunerentur recto factâ*, ait Cic. de Natur. Deor. Potuit igitur tam insignis Henrici opera parte territorii (præsertim dotis nomine datâ) compensari. Quæ ratione etiam feuda constituta sunt, & integra quoq; territoria feudi jure concedi solent: quemadmodum hæc pars Henrici jure saltem clientelæ permissa, & jure demum belli plenè postea quæsitâ dicitur. Vid. §. 2. Portugalliæ ergo mater virtus est, & Regnum istud virtute partum vel hoc omine nunquam dilabatur.

Quaest. 2.

Ibid. verb. filiam majorem, cui regnum debebatur, &c.

An jus primogenitura à natura sit? R. non esse in hæreditatibus, at in principatibus: in quib9, cum non omnes simul, sed unus tantum succedere possit, ac nulla ratio sit, quæ minorem majori præferat, sola superest, quæ majorem minori. Tractatum id tuit inter duos Darii Persarum Regis filios, Artemenem majorem, & Xerxem fratrem; decusq; fuit eadem ferè distinctione, quam dedim9: fratres enim omnes privatum patrimonium vindicare posse, uterque fratrum fatebatur: at regnum esse natu majoris. Verum Xerxes majorem se Regis filium venditabat, quod primus post patrum à Patre regnum genitus esset; obtrinitq; favore potius patrum, & fratre ipso cedente, quam jure: quo regnum fratri majori debitum fuisse scribit Justinus lib. 2. Hist. 10. ubi addit: *Hoc jus & ordo nascendi & natura ipsa Gentibus dedit.*

Quaest. 3.

Ad §. 2 Verb. Matrem carceris custodia delinuit &c.

An ejus, qui Rex aut Princeps est, imperio subjecti etiam sint ipsius parentes, uxor, cæteraque regia familia? Resp. Affirm. Nam distinguendum est inter potestatem domesticam, & publicam: quoad potestatem domesticam Rex subest parentibus suis; quoad potestatem publicam autem hi subsunt filio Regi. Imperium enim inhæret toti territorio, adeoque omnibus personis & reb9, quæ in territorio sunt. Sed & familia Regis pars regni est, cui, ac singulis ejus partibus, cum summa potestate Rex præest. Unde Ptolemæus, cum filio regnum suum tradidisset, ipse privatus officium ei fecisse dicitur ap. Just. lib. 26. c. 2.

Quaest.

(7)

Quæst. 4.

Ad §. 2. Verb. Et filio suo exheredato &c.

An Rex testari de regno possit, & filium à successione regni exheredare? Hæc quæstio magni momenti est, & duo membra continet, alterum de jure testamenti in genere, alterum de jure excludendi filii. Quod utrumque negatur. Testamentum enim esse juris saltem positivi ac voluntarii, licet ejus, quod pluribus gentibus commune est, vel ex eo patet, quod sit dispositio quædam, quæ, mortuo demum disponente, vim capit aut incipit; id verò naturaliter fieri nequit, nec dispositio aliqua incipere eo tempore, quo disponens amplius non est. Deinde cum testamentum valeat ac subsistat ex sola unius acceptatione, id quoque meri juris positivi est, cum naturaliter nulla dispositio inter homines, qua de jure ab uno in alterum transferendo agitur, valeat, nisi utriusque consensu, adeo ut, quamdiu pars nondum acceptavit, tota dispositio ex ratione naturali ipso jure nulla sit, nullamque penitus vim habeat. Unde sequitur, quod summi illi Principes, qui nullo jure civili, sed naturali obligantur, ex testamento efficaciter non teneantur, nec in eorum præjudicium illa valere possint. Etsi verò testamenta quoque inter Principes hujusmodi pleno jure valerent, tamen (quod alterum quæstionis membrum est) excludi eo filius & successor à regno non posset, cum nec à feudis possit, ex communi & recepta Feudistarum sententia: Non enim in regno aut feudis ille succedit ex solo beneficio defuncti ac mero jure hæreditario, sed & ex jure, quod à primo acquirente ejusque pacto seu dispositione quæsitum habet, adeoque factio alterius auferri ipsi non potest. Quod autem Carolus Magnus testamento diviserit regnum inter tres filios suos, ea dispositio non jure testamenti, sed ex consensu Procerum, valebat.

Quæst.

Questio 5.

Ad §. Verb. His copiis confisus Ismarius in Alphonsum properabat &c.

An Ismarius metu crescentis potentiae potuerit inferre bellum Alphonso? Resp. Suspectam vicini potentiam non esse justam causam inferendi belli; idque eo probatur, quod bellum praesupponit injuriam acceptam. sive jus laesum, quemadmodum privatus non potest actione jus in judicio persequi, nisi id ipsi absit, ac jus laesum fuerit. Sane, si vicinus potentiam suam abutatur, & per fas nefasque alios conetur deprimere, ita ut nobis quoque bellum aut vis ab eo expectanda sit, non jam nudus est potentiae metus, sed initium aliquod injuriae, quae incipit, quando alii paratur; qui proinde praecipue executionem ejus potest. Equidem tunc tua res agitur, cum proximus ardet Ucalegon; Si quis ex mera ambitione passim vicinos suos invaderet ac subjugaret, jure communis haec vicinorum causa videri potest. Ex quo judicium ferre licet de eo, quod Gallos sese opposuisse nimium crescenti Hispanorum potentiae dicit Grammondus lib. 4. hist. Gall. quam Gallorum sententiam acriter reprehendunt alii, inter quos est Antonius Perez in jure publico.

Quest. 6.

Ad §. 7. verb. Regio honore plusquam dignus.

Num virtuti an generi prior locus debeatur? R. Virtuti: illi enim competit ex merito proprio, generi ex alieno: illi naturae, huic moribus.

*Ita Seneca: Est clara virtus; qui genus jactat suum,
Aliena laudat.*

Et Claudian. Virtute decet, non sanguine, niti.

Gravis in eam rem est Oratio Marii, Viri summi, apud Salust. in bel. Jug. At pessime tamen Phraates Parthorum Rex regnum, omnibus filiis suis praeteritis, fratri Mithridati, ceu insignis

signis virtutis viro reliquit, Justin. lib. 14 c. 5. Ita enim vir-
tuti favendum est, ut ne aliis, imprimis filius, jus quæsitum
ac naturâ ipsis comparatum auferatur.

ART. II.

De
Progressu Regi Portugall.

I.

Alphonso A.C. 1185. mortuo successores quoq; ipsis multa hero-
ica facinora, imprimis in Saracenos gesserunt: nam à filio
ipsius Sanctio I. qui multas civitates condidit & populo instruxit,
tanta strage Saraceni propè Hispalis muros affecti sunt, ut Batis
fluminis unde sanguine tinctæ fuerint. Et deinceps auxilio Clas-
sis Danicæ, quæ vi tempestatis in Olyssiponensem portum appule-
rat, Sylvensem civitatem, ejectis Saracenis, recuperavit, ac præ-
dam sociis concessit. §. 2. Huic filius Alfonsus II. cognomine Cras-
sus, in regno ac victoriarum contra Saracenos felicitate, iisq; for-
titer repressis, ope classis Batavorum, quæ ad bellum sacrum con-
tendebat, urbem Alcazzarem eripuit. §. 3. Sanctius II. quoque
Alfonsi huius filius, cognomine Capellus, pluribus eos victoriis
fatigavit, quanquam ipse rebus agendis impar existimatus, & po-
pulo visum fuerit, annuente Innoc. IV, vicarium ipsi fratrem
Alfonsum dare; salva tamen manente Sanctio dignitate Regia,
salvæque, si liberos gigneret, jure successionis. Decesit ann. 1246.
§. 4. Sanctii frater Alphonso III. ducta Beatrice, Alphonso X.
Regis Castellæ & Legionis filia, regnum Algarbiorum in dotem ac-
cepit consensumq; ei est ab Hispanis, ne quid penderetur, neve co-
geretur Reges Portugalliæ, ut ex fœdere debebant, curiis seu
conventibus Hispanorum interesse. Expugnatis Louela Pharo, Al-
jezurio & Albofeira, Portugalliæ Regni insignibus Clypeum purpu-
reum addidit, aureis Castellis respersum. Obiit ann. 1279. §. 5.

B

Hujus

Hujus filius Dionysius, multis virtutum, maxime liberalitatis & justitiæ, encomiis deprædicatus à Portugallis, & cui prima schola Conimbricensis rudimenta tribuuntur, honestissimis stipendiis eruditus ornavit, multa quoque ædificavit oppida & diruta reparavit, legesque saluberrimas regni condidit, judiciorumq; ordinem constituit; Primus in Portugallia carmina lingua vulgari scripsisse, indeq; poësis versuum similiter cadentium ad Siculos, hinc ad Italos, deinde ad alios quoque populos dimanasse dicitur. Algarbiorum Regis titulum primus usurpavit, latronibusque sublati tutum in regno iter præstitit, ac, potentiorum in plebejos vi repressa, Ann. 1325. obiit. Proverbium de eo circumfertur: Rex Dionysius, qui faciebat quicquid volebat. §. 6. Post mortem Patris Dionysii sceptrum capessivit Alphonsus IV. ferox dictus qui Beatricem Sanctii IV. Castellæ Regis filiam duxit, & quamvis cum illius nepote, Alphonso XI. magnas simultates gereret, in prælio tamen adversus Mauros ad Salatem fluvium ei adfuit, quo ccccxcio. Saracenorum caesa dicuntur. Puellam insigni forma præditam D. Agnes de Castro, quam filius ejus Petrus sibi clam desponsarat, morte multavit, qua de causa Petrus indignatus, non sine damno regni in Patrem insurgebat, donec tandem transactione res componeretur. De cætero Rempub. saluberrimis legibus juvenis, multa quoque alia gessit fortiter, & in bello ac pace laudem meruit. §. 7. Patre Ann. 1357. mortuo regnum devolutum est ad Petrum; qui rigidus justitiæ assertor causidicos & rabulas litium satores ejecit. In delicta quoq; severè sinè animadvertit; Bonos verò donis etiam ad fiscum deferendis locupletavit. Princeps valde liberalis, Regem non esse dictabat, cui dies sine beneficio abiisset. Fatiscens Anno 1368. §. 8. Filius ejus Ferdinandus sceptro admotus, cum à Sanctio IV. Castellano per filiam ipsius Beatricem recta linea descenderet, Henrico, Regi Castellæ, Scatur juxta ac Regni questionem movit. Id tamen parum feliciter cecidit, regnumque bello implicitum, & miles ex Anglia

glia evocatus infestior Portugallia fuit, quam ipse hostis. Obiit Anno 1383. §. 10. Post obitum Ferdinandi sine liberis legitimis mortui, Portugalli proclamarunt Regem Joannem I. qui filius fuit Petri Regis ex prædicta Agnes de Castro natus, & Portugalliam adversus Reges Castellæ fortiter defendit, Septam, Mauritaniam urbem opulentissimam & munitissimam, magna Saracenorum clade, unodie expugnavit. Codicem Justiniani in patrium sermonem verti curavit, & ob multa memorabiliter ab eo gesta, Rex bonæ memoriæ fuit cognominatus. Inter plurimos liberos habuit Eduardum, qui Patri successit in regno. Obiit Anno 1433. §. 11. Eduardus Princeps optimus, sed multa infelicia experius fuit. Fratres ejus expeditionem suscipiebant in Africam, sed in obsidione urbis Tanger in manus hostium incidebant & captivi abducebantur, cogeanturque Mauris promittere restitutionem Ceutæ, fratrem Ferdinandum relinquentes obsidem: sed quoniam Procures Portugallia hac sponsione sc. non teneri arbitrabantur, obses ille in carcere diem clausit. §. 12. Hæredem coronæ habuit Eduardus filium Alphonsum. V. qui Anno 1438. regnum adiit, eiq; mater testamento patris erat tutrix constituta. Sed quoniam Procures imperio famina subesse volebant, administratio regni offerabatur Petro Duci Conimbricensi Alphonsi Patruo, quem postea Rex in exilium abire jussit. Fuit vir fortis & Dux belli strenuus, & plurima oppida expugnata regno adjecit, nobilissimamq; à Saracenis victoriam reportavit, quapropter & Africanus dictus est. §. 13. Filius ejus Joannes II. Ann. 1481. diadema adeptus, res magnas animo suo voluit. Ipse est, qui, quod Henricus Patruus ipseus magnus ceperat, navigationes ad inquirendum, novas incognitasq; terras instituit, misaq; classe instructissima, promontorium illud, quo nullum in toto orbe majus est, & præter quod cum magno Europæ commodo ad Indos Orientales via patet, primus aperuit, & Caput illud bonæ spei vocari jussit, Terra quoq; nuncios ad investigandum India situm, atq; ad

magnum *Ethiopum* seu *Abyssinorum* regem *Christianum* misit, cumq; ad amicitiam & commercia invitavit; Mauris quoq; *ve-*
tigalia imposuit & sine liberis decessit Ann. 1495 S. 14. *Ema-*
nuel *Eduardi Regis* è filio *Ferdinando* nepos, patrui *Johanni*
II. sine liberis deato successit, & magnum ac arduum illud opus
per immensi *Oceani* ambitus *Indias Orientales* adeundi magno a-
nimo feliciterq; executus est. Hic tres uxores successive habuit:
primam *Isabellam Ferdinandi Catholici* filiam (unde *Castelle* &
Legionis Principatu inauguratus est) ex qua sustulit *Michael* em
qui puer obiit; Secundam *Mariam, Isabelle* sororem, quæ illi pe-
perit *Johannem: Isabel* *Augustam, Caroli V. Imperatoris*
uxorem, ex qua natus *Philippus II. Hisp. Rex:* *Beatricem, quæ*
Carolo Sabaudia Ducis nupsit: *Ludovicum Ducem Pacensem:*
Ferdinandum: Alfonsum Cardinalem, & Archiepiscopum O-
lispontensem &c. Henricum Cardinalem: Eduardum (qui
duxit *Isabellam, Jacobi Brachantia Ducis* filiam, ex qua sustulit
Mariam, quæ Alexandro Farnesio principi Parmensi nupsit: &
Catharinam, quæ Johanni Duci Brabantia: *Mariam: Antoni-*
um, qui infans obiit. Tertiã uxorem duxit Leonarum, Philippi
Regis Castelle & Archiducis Austria filiam; ex qua ei nati *Caro-*
lus brevis vitæ; *Maria, quæ celebs vixit.* Fuit itaq; *Emanuel* fe-
licissimus Princeps, insigni prole, & rebus præclare gestis illustris-
simus. Siquidem orientis portas primus aperuerit, & multa ma-
joribus nostris incognita manifestavit, *Ethiopia, India & Persi-*
dis partem non minimam, *Malacam, Molucos, Brasiliam* & in-
numeras *Oceani* insulas partim fæderis ac commercii, partim Im-
perii jure sibi adjunxit. Multos Reges subegit, & tanto maris
ac terræ spatio disquisit tributarios & vectigales reddidit. *Baby-*
lonia Regis Chyses superavit. Maximas auri, argenti, lapillorum,
margaritarum, armorum, & aliarum Orientalium mercium
divinitas in *Portugalliam* invexit, quamvis ab hoc commercio cū
India instituto *Portugallios* excludere frustra conarentur *Sultani*
Egypti

Aegypti & Respublica Veneta, per quos solos haftenus merces Indica in totam Europam fuerant derivatae. Judaeos ad Christi fidem convertit: Saracenos e regno exterminavit, Religionem instauravit. In religiosos omnium ordinum liberalitatem exercuit. Christianam fidem per Aethiopiam, Indiam & varias orbis partes propagavit, atque ad eam conversos mirè fovit. Hisce incrementis resoruit Portugallia sub Rege Emanuele, qui obiit Ann. 1521. Hujus regiminis tempus Portugalli aureum appellant seculum. S. 15 Regni haeres ipsi fuit filius Johannes III. Princeps benignus & clemens, cujus tempore societatis Jesu exorta, atq; in Portugalliam inducta est: S. Xaverium ad Indos fidem Christianam ibidem plantarum, misit. Academiae Conimbricensis largissimis sumptibus prospexit. Castilianos à Moluccis insulis depulit, Turcarum, Maurorum, Calcutanorum piratas innumeros neci dedit. Diu urbem portumque totius Orientis commodissimum Regi Cambaje armis eripuit, Regem ipsum duplici pugna superavit, Turcasque auxiliares profligavit, filium habuit Joannem qui Joannam Caroli V. Imperatoris filiam duxit & ex ea posthumum reliquit Sebastianum. Ipse deniq; obiit 1557. S. 16. Unde Sebastianus Joannis III. è filio Joanne nepos, trium adhuc annorum puer sub tutela aviae Catharinae & Henrici patrui magni successit, anno aetatis decimo quarto regni gubernacula suscepit. Nimis praecipiti gloriae parandae studio impulsus & Reg Marochiorum Mulcy Mahomet, qui auxilium ejus adverso patruum implorabant, opem laturus trajecto in Africam exercitu Fessense regnum petiit: sed Ann. 1578 ab infinita barbarorum multitudine oppresso, caesis decem milibus Christianorum totidemq; captis vel occubuit, vel fugâ elapsus ad ignotas terrae plagas abiit: caelebs adhuc: aetatis anno 24. Prælium hoc celeberrimū est cæde trium Regum memoranda, siquidem præter Sebastianum occubuerunt quoq; Rex exul Mulcy Mahomet, & Rex Marochiorum Mulcy Malucco. Cum autem mors Sebastiani incerta esse, postmodum in Lusitania surrexerunt

quatuor filii Sebastiani, falsis Demetriis in Moscovia non absimiles, ad impendiendam legitimam successionem, quorum fraus & temeritas tandem detecta fuit.

Quaestio I.

Ad §.1. Successores quoque ipsius.

Qualis successio in Principatibus ac regnis mero jure naturali obtineat? R. Linealis, qualis describitur in Aurea Bulla Caroli IV. & variis aliorum Imp. constitutionibus illustra est: in qua scil. non proximitas graduum sed linearum respicitur. Jus enim linearum primogenialis auctori quaesitum, sive in reali successione illud consistat, sive in spe succedendi, jure naturae transit cum omni sua qualitate ad ipsius descendentes: & ideo, donec illi superstites sunt, reliquarum linearum cognatis, etsi ultimo defuncto gradu propiores fuerint, nullum jus succedendi esse potest. Et huic simplicissimo Juri tamdiu inhærendum; donec manifestè doceatur, aliud lege fundamentali Principatus constitutum fuisse.

Quaest. 2.

Ad §.3. Verb. & populo visum fuerit.

An Rex propter incapacitatem removeri à regno possit? Aff. Si manifesta ac perpetua sit incapacitas; cujus rei exemplum notissimum est in Wenceslao Boëmo, qui ab Imperio depositus est. Secus si in tororem Rex incidit, quod contigit Carolo VI. Galliarum Regi; quia toror intervalla habere, & spes convalescendi esse, non igitur interrimus jus quaesitum auferri potest.

Quaest.

Quæst. 3.

Ad §. 4. Verb. Regnum Algarbiorum in dotem accepit.

An in hoc titulo aliquid desiderari possit? Neg. Nam hæc regio pars fuit ejus terræ, quam à Saracenis recuperandam jam Alfonsus VI. Castiliæ Rex Henrico Lotharingo Portugalliæ auctori promiserat, ut dictum est *art. 1. §. 1.* Cum verò Saraceni diutius in hoc angulo hæerent, memoratus Alfonsus III. demum hoc accedente novo dotis titulo, adeoq; gemino optimoq; jure traditum sibi à Socero Castiliæ Rege accepit, terrisq; ac titulis suis adjecit; quod situs quoq; sui natura, ac veteris Lusitanix, cujus pars fuit, jure Portugalliæ merirò cedit.

Quæstio 4.

Ex §. 7. Verb. occidi jussit &c.

An defendi potest factum Alfonsi, puellam, quam filius sibi junxerat, morte multantis? R. In pluribus regnis & provinciis inconsulto Rege sive Principe primoribus nuptias contrahere vel filias suas elocare non licet, Myler. *in gamalog. person. illustr. c. 2. th. 4.* & seqq. ubi simul leges & constitutiones diversorum locorum refert. *Vide etiam minister Card. Richelii l. 3. c. 15.* & in *Reminiscencia Polit.* ubi de Gallorum consuetudine agit, & eam juri consentaneã esse tradit. Sanè enim & multum periculi & multum commodi creari regnis ac Principatibus ex nuptiis primorum, imprimis verò liberum, potest; omninoq; interest reip. ne à fœderum horum conjugalium arbitrio excludatur consensus Principis. Unde permulta sunt exempla Principum, qui neglectum consensus sui acerrimè vindicârunt: Ita ut Philippus Pulcher, Galliarum Rex, cum intellexisset, Guidonem Dampetræ comitem Flandriæ filiam suã Philippam Ednardo Anglæ despondisse, illã ad se vocaverit, venientē carceri mancipaverit, & viginti ejus pedissequas projici in sequanam, ejus

ejus comites verò, triginta claros viros, suspēdio interim
jusserit, uti refert Bzovius in *Histor. lib. 13. f. 136*. Quod si ergo
inuito seu prohibente Rege Alfonso Puella se junxerit ejus
filio, ex rigido regiæ potestatis jure, vindicta defendi quidē
potest: At sanē factum hoc suppliciiis quoq; Manlianis duri-
us fuit. Equidem jure naturali consensum Parentum ad va-
liditatem nuptiarum ex necessitate requiri non putamus.

Quæst. 5.

*Ad S. II. Cogebanturque Mauris promittere restitutionem
Centæ &c.*

Q. An promissio vi metuq; extorta obliget? Resp. Pollicitatio-
ne Ducis bellici non tenetur quidem Resp. neque hæc obli-
dem tenetur redimere, nisi ipsa dederit. Verum tamen est,
ipsum Ducem, qui captivus promisit, licet vi metuq; coa-
ctus, obligari: Ratio est, quoniam ipsa voluntatis essentia
per vim ac metum non tollitur, quin potius studium ipsius
augetur, ac voluntas enixior, quoad istum actum, reddi-
tur. In tali enim actu distinguenda omnino sunt voluntas
& libertas: illa est consensio quædam, hæc facultas agendi,
juxta S. 1. Instit. de jure pers. quæ latissimè differunt. Volunta-
tis enim substantia consistit in quadam lubidine agendi (ut
& sentit Augustinus;) Hæc verò in agendi potentia; quæ
licet per vim metumque ablata sit, essentia tamen volun-
tatis non tollitur: Hic, quando in negotio nihil aliud re-
quiritur, quàm voluntas, tunc nihil delideratur nisi ut il-
lud, quod agitur, acceptatum fuerit; etsi vi metuq; ex-
tortum. V. G. in belli fœderibus, pace armis extorta, ur-
phædis &c. Nam his casibus voluntas libera non requi-
ritur, quia ibi cogi aliquis potest, & facultas nostra subje-
cta est legibus & armis, ut à magistratibus & vi armo-
rum compelli qui possit: Et utrinque, parti bellantium
omnia

omnia licita sunt, quæ ad minuendas vires adversarii, sive ad victoriã, quæ est sententia litis, consequendâ pertinent.

Quest. 6.

Ad §. 12. verb. Tutrix constituta &c.

Cujus sit, Regnis ac Principatibus tutores dare? Resp. Non populi, qui, donec superest imperans familia, in eam omnem potestatem transtulit; non potest Antecessor Successori, quia testamenta non sunt juris naturalis, ut supra diximus: nec ille in hunc potestatem habet, quæ morte quoque ejus expirat. Quin cum ipsa quoque tutela juris magis positivi sit, ac successiones in regnis ex lege primæ concessionis dependeant, vix hoc jure naturali definitum videtur. Unde ingentes sæpe motus, & imprimis in Gallia temporibus Caroli VI. phrenerici tantum dissidium inter domum Aurelianensem & Burgundicam ortum est, ut universam ferè Galliam consumserit. Tutissimū itaq; est, id lege Regni fundamentali decidi; quanquam, si id factum non fuerit, præcipuum ac potissimū ad tutelã juse ejus sit, qui post pupillum successionis proximus est. Ira Ampliss. Dn PRÆSES in Prælectionibus Jur. Nat. & Gent.

Quest. 7.

Ad §. 14. Verb. Ab hoc commercio cum Indis instituto Portugалlos excludere frustra conarentur &c.

An Sultanus & Respub. Veneta justè conati sint Portugалlos impedire à commerciis Indorum? Resp. Nèg. Nam Indi quidem possunt merces suas vendere, cui populo volunt, & sic certam gentem à suis commerciis communi quodam consensu excludere, contra Grot. quoniam in suis rebus ac mercibus suo jure utuntur, nec faciunt injuriam isti populo, qui nil juris habuit in res & merces alterius populi. At Veneti & Sultanus prohibere Portugалlos à commerciis Indorum

dorum non potuerunt; quia nec illis in eas res ac merces plus juris est. Quin J9 commerciorum juris naturalis est, quod factio tertii auferri nequit; uti nec navigationes aut tranſit9 terrestres, qui ejusdē juris sunt, impediri possūt. Neq. vero cessatio alicuj9 lucricausa justa est imped. endi commercii, quia, qui id allegant, nondum habent jus quæsitum in lucris illis, sed de mū per negotiationem id acquirunt & per industriam, quod jus aliis æque competir. Hæc controversia olim acriter agitata fuit inter Hollandos & Anglos, cum hi illis transitū denegarent ad novū orbem.

Questio 8

Ad §. 15. Verb. Societas Jesu exorta ē in Portugalliam invecta &c.

An Princeps teneatur promovere Religionem & cultum divinum in regno suo? Resp. Affirm. idque apparet ex Elaix cap. 49. v. 23. Reges erunt tui scilicet Ecclesiæ nutritii, & Regina nutritrices tuæ; & cap. 60. v. 10. Edificabunt alienigenæ muros tuos, & Reges eorum ministrabunt tibi. Hinc in Rep. primum esset debet curatio rerum divinarum Arist. 7. Polit. 8. Si quidem ea ad augmentum imperii maxime conducit ob benedictionem Dei, seu pietatis mercedem promissam, & subditorum inter se ac Kemp. concordix studia: Religio enim & timor Dei solus est, qui custodit hominum inter se societatem. Lactant. 2. Inst. 16. Ude Cicero de Nat. Deor. c. fin. Est mihi tecum pro aris & focis certamen, & pro Deorum templis, atque de lubris, pro urbis muris, quos vos, Pontifices, sanctos esse dicitis, diligentiusque urbem Religione, quam manibus cingitis. Et in orat. de Arusp. Resp. v. 19 dicit, Romanos non calliditate aut robore, sed pietate & Religione omnes gentes nationesque superasse: Atque ideo eorum Numine tantum imperium esse natum, & auctum, & retentum. Landatur quoque Justinianus Imperator hæc de causâ à Giphano & Gvineto in ejus vita, sub titulo

titulo Justinianus Magnus, edita, c. 15. §. 2. imprimis verò quod cum Sacerdotibus de Dei cultu rectè instituendo sapius conservatus fuerit, templumque S. Sôphie Constantinopolitanum tam magnificè exstruxerit: ubi auctor Orig. Constantinopolit: narrat: Imperatorem illum, templi hujus fabrica absolutâ, exclamasse, vici te Salomon! jussisseque, Regis hujus simulacrum e regione S. Sôphie collocari mœsti & genus carpentis, quasi ejus ædificii mole ac pulchritudine Templum suum superatum doleret.

ART. III.

De

*Statu hodierno Regum Portug. & quomodo
hoc Regnum ad familiam Bragantinam pervenerit.*

I.


NOTISSIMUM est, per mortem Regis Sebastiani, in infelicitissimo prælio Africano sine prole occumbentis, in regnum Portugallie successisse Cardinalem infantem Henricum, Sebastiani patrum, Regis Emanuelis filium Cum vero is nec liberos, nec per ætatem spem liberorum haberet, atque ea de causa jam tum regni candidatos in medium proferre Procerum Regni ac populi gratiam pensare, & se vivo veluti hereditatem ejus cernere animadverteret, voluit ipse singulorum, qui jus sibi successionis in regnum esse putabant, rationes audire, ac de causa statuere. §. 2. Inter hos erat 1. Philippus Rex Hispania, tanquam natus ex Isabella, primogenitâ Emanuelis. 2. Joannes Dux Bragantia, nomine Catharina, uxoris sue, quam ex masculo natam Regi Philippo ex femina nato præferendam esse dicebat. 3. Alexander Princeps Parmensis, nomine Rainutii primogeniti sui, nati ex Maria filia Eduardi & sorore Catharina natæ majore. 4. Anronius Prior Cratensis, filius Ludovici fratris ipsius Regis Heinrichi, qui se non nothum, ut vulgo

eredeatur, sed ex legitimo matrimonio natum esse, asserbat.
 §. Emanuel Philibertus, Dux Sabaudia, qui ex Beatrice, al-
 tera Emanuelis filia descendit, & licet illa natum minor sorore sua
 Isabella, matre Regis Philippi, fuerit, regnum tamen, sed mode-
 stissime, ambuit. 6. Catharina Medicea, vidua Henrici II. Gal-
 liarum Regis, jus à longinquo repetebat, omnesq; ab Alphonso III.
 Reges non jure successisse agebat, quod ex altera dicti Alphonfi Con-
 juge nati essent, quam is, priore superstite, à qua ipsa descende-
 bat, superinduxisset. §. 3. Philippus & Catharina pari gra-
 du Henricum contingebant: Catharina, tanquam filia Eduar-
 di masculi, qui Isabellam Philippi Parentem procul dubio, ut
 masculus feminam, exclusisset, Philippo se praferendam esse di-
 cebat; & quemadmodum Eduardus, si adhuc viveret, exclude-
 ret Isabellam matrem Philippi, sic se quoque nunc, Patrem suum
 representantem, excludere Philippum, qui representabat Isabel-
 lam matrem suam; personamque succedentem querendam è me-
 liora linea, legibus ac consuetudine Portugalorum cautum esse, con-
 tendebat; Cui addebatur, Comitibus, Lamecensibus Ann. MCXLI.
 omnium ordinum consensu decretum esse, ut, licet deficiente ma-
 sculo femina sceptrum deferri deberet, hæc tamen, si extra fines
 Regni nuptum abiret, jure Coronæ patriæ excideret, ne unquam
 Regnum teneret, qui Portugallus non esset; Atque adeo Isabellam
 Carolo V. elocatam nullum jus ad coronam patriam secum detu-
 lisse, vel in filium derivare potuisse; Catharinæ vero Regnum jam
 deberi, quia illa maritum haberet è Principibus Portugallia. Con-
 tra Oratores Hispani, à Philippo Rege missi, fratre Henrici Edu-
 ardo semel mortuo, ejus rationem nullam habendam dicebant, sed
 tantum gradum inspiciendum, in quo masculus feminam ex lu-
 dit. Hac ita primum proposita, dein à celeberrimis Italia & Hi-
 spania Jurisconsultis, etiam publicatis scriptis Bononia & aliis in
 locis, agitata sunt. Porro Rainutius, Alexandri Parmensis filius,
 prætendebat jus Matris suæ defunctæ, quæ Eduardi filia primoge-
 nita,

* (21) *

nita, Catharina, Bragantina vero secundo genita erat, hinc multi in partes Reikutii inclinabant: sed Catharina Bragantina, Rainutium, utpote proximior, excludere videbatur. Antonius so- legitimum probare, uti conabatur, non poterat, is tamen, quam- vis Henrico summè invisus, populi favore sublevatur. Catha- rina Medicea per Oratores suos, ut proximè dictum est, non eru- buit, omnibus inde ab Alphonso III. Regibus status questionem movere, verum, ut Thuanus lib. 65. ad ann. 1578. ait, non spe po- tiundi regni, sed oraculi tristis, ut credebatur, fallendi causâ: & cum post tanti temporis lapsum metueret ne sibi præscriptio tem- poris objiceretur, & quia temporis longinquitas obstabat illi, in possessionibus regnorum, præsertim violentis, nullo tempore præ- scriptioni locum esse contendebat. Pro intellectu hujus controver- siæ serviet sequens schema genealogicum.

Emanuel



S. 4. Doctores Conimbricenses numero tredecim, Henrico Cardi- nale, Portugalliæ Rege, adhuc vivente, & Doctores Bononienses in Italia & Perusini, multiq; alii sentiebant, Catharinam Bra- gantini Ducissam sine controversia veram & legitimam heredem

esse regni Portugallici : Doctores Ticinenses , Philippi Regis subditi , in favorem Principis Parmensis palam judicare non erubuerunt. §. 5. Verum potentissimus illorum erat Philippus II. Castellæ Rex , pro quo nonnulli quoque Dd. pronuntiaverant , sed qui viribus magis fideus , conciliatâ sibi totâ ferè Nobilitate Lusitanâ , postulavit multis modis ab Henrico Rege , - ut aut se Successorem declararet , aut nullum alium. Plebem vero Ulisiponensem sibi devincire non potuit , quin potius , habitâ in Camera , ut vocant , Ulisiponensi deliberatione , cui duo ex plebejo ordine interfunt , apud Henricum , ut ipse Successorem indigenam secundum regni leges nominaret , urgent & sumptus in viginti millia armatorum contra omnem metum potentiamque externam magnâ fiducia offerunt. §. 6. Anno 1579. Comitibus ad Calend. April. indictis regis insignibus ac habitu ornatus in pegmate ad id parato sub Urânico confedit. Alfonso Castroblandus Sacerdos orationem habuit : variabant sententiæ. Alii , nulla dilatione interposita de regni successione decernendum censebant ; Alii cautius procedendum , viamque juris jectandam , ut , qui jus in regnum sibi arrogabant , citati audirentur. Alii , ut interim , si quid Regi humanitus accideret , gubernatores regni crearentur ; Alii indecisa ac confusa omnia cupiebant Rex mediam viam prætulit : & e XV. ab ordinibus nominatis , V. electi gubernatores , eorumque nomina secreta in capsam conjecta , Ulisiponensi Magistratui tradita sunt. Nominati rursus XXII. ex quibus Rex XI. elegit , qui , si Regem ante litem de Regni successione terminatam mori contingeret , cum plenâ potestate eam dijudicaret ; Dux ceterique procures , auxilios ac ceteri ordines sacramento adacti caverunt , gubernatoribus à Rege creatis & ei , secundum quem delecti iudices , pronuntiasent , tanquam legitimo Regi se parituros. §. 7. Vocati Oratores suos mittunt : Causa agitur. Jus Catharina Mediceæ , tanquam longius petittum , neque veris fundamentis nixum , explo-

explosum. Antonius judiciali sententia illegitimis pronuntiat. Restabant Philippus Sabaudus, Bragantinus, & Ranutius: Hi dum singuli reliquorum causam acriter infringunt ac rationibus desiciunt, omnium causa ac jus post tot velitationes incertius quoque factum fuit, & re infecta indecisaeque singuli consultationes pro jure suo ad Pontificem & Principes Christianos miserunt: Pontifex se arbitrum offert inter Philippum & Henricum, quod Philippus respuit, & arbitrio opus esse negavit. Regni ordines, quasi extincti in mascula prole & incerto succedentium jure, rem ad electionem deductam contendebant, idque sibi juris arrogabant. Philippus jus suum armis persequi parat, unde Henricus paulatim labare cepit & tandem, piebistumultum veritus, cum Philippicis Oratoribus in arcano transiegit, additis conditionibus de certis dignitatibus, quae in regno solis Lusitanis attribuerentur. S. 8. Anno 1580. prid. Kalend. Febr. Henricus moritur, re nondum cum Ordinibus regni transacta. Gubernatores in tabulis nominati Magistratum incunt. Philippus ab illis, ex Henrici voluntate, Regnum sibi deposcit. Illi tantisper à bello abstinere petunt, dum Legati sui audiantur. Rex albanum è secessu suo ad exercitium mittit. Marchio sanctae Crucis classi propositus. Gubernatores se ad defensionem comparant. Antonius à populo Rex acclamatus XII. Kalend. Quintil. Gubernatores regni fuga sibi consulunt. Eluae aliaeque urbes Philippicis apertae. Antonius in urbem Ulisiponensem citra certamen receptus. Tandem praelio sub urbe certamen, in quo Antonius victus per urbem transiens aufugit. Urbs Ulisippo dedita. Antonius post multa frustra tentata, & miserum aliquot mensium latibulum, tandem in Galliam incolumis evasit. Albertus Archidux Austriae, Portugalliae Praefectus, & Rex in leges Portugalliae juvare debuit. Sic Philippus II. III. & IV. Hispanarum Reges Portugalliam tenuerunt. S. 9. Sed Anno 1640. Portugalli jugum Castilianum.

dianum denuo excusserunt, hac nimirum occasione: Quoniam
 Philippus IV. nobilitatem Lusitanam contra Catalaniam rebel-
 lem arma capere iudebat. Cum enim nobilitas congregata & ar-
 mata esset, occasionem quoque colloquendi & consultandi habe-
 ret, & angustias, quibus Hispaniarum Rex eo tempore implici-
 tus erat, perspiceret, arripiunt animum, ab imperio Castiliano
 decedendi, & Ducem Bragantiæ (qui autoritate pollebat & ter-
 tiam ferè partem Portugalliæ jure dominii possidebat) Regem eli-
 gunt & proclamant. §. 10. Tanquam memorabile allegant
 Portugalli, quod motus hujus initium factum sit 1. die Decemb.
 in quam tunc ex officio Ecclesiastico illud Pauli ad Rom. legen-
 dum incidebat: Fratres, hora est surgendi de somno, nunc
 enim proprius salus nostra est, quam cum crederemus.
 Quà die & Joannes, cum antea Villaviciosa, in urbe ditionis sue
 degisset, Lisbonam ingressus fuit, solenniter postmodo coronatus
 die 15. ejusd. mens. Nec ulla urbi: vel propugnaculum fuit, quin
 Hispani eo statim cederent, solo Castello S. Gionis excepto, quod
 in XV. diem restitit. Exteri tunc nihil adversus Portu-
 galliam machinati sunt, sed potius Rex Gallia statim milites
 & Duces bellæ expertos novo Regi subministravit; Belgii item
 Ordines fœdere Offensivo & Defensivo se statim cum eo impli-
 cuerunt; In Anglia quoq; Legatus Johannis, tanquam à Rege
 missus, exceptus fuit. Quin & Pontifex M. Urbanus VIII.
 post habitam cum Collegio Cardinalium deliberationem, Lega-
 tum Regis, Michaëlem De Porto-Gallo, Episcopum Lamecensem,
 Romam venire & negotia illius Regni curare permisit,
 ex veteri more apud Romanam curiam in similibus casibus
 observato, quo dissidentibus de Regno Principibus, ejus, qui
 regnum possidet, Legatus admittitur, ne interim res sacre in illo
 regno detrimenta capiant: vel generalius, quia in casibus hu-
 jusmodi controversiis Principibus moris est, possessionem sequi;
 sed tamen à Pontifice benedictionem, licet sæpius petitam,
 Joannes

Joannes nunquam impetrare potuit, Hispano nimis id prohibente.
S. 11. Sic omnibus Castiliæ Regis ministris intra octiduum regno exclusus, Joannes Dux Bragantiæ Regnum, quod Majoribus suis ereptum prætendebat, recuperavit, & Ann. 1644. prælio prope Montejum, sequente vicissim ad Villam Viciosam Castilianis ubique inferioribus gravissimam cladem intulit, atque has pacis conditiones ab iis obtinuit: 1. Ut Regi Portugalliæ à Rege Hispano Titulus Regis tribueretur, hujusque interventu ille à Pontifice benedictionem, hæcenus semper dilatam, impetraret. 2. Ut loca utrimque occupata restituerentur, solaque Ceuta in Africa Hispano relinqueretur. 3. Ut in commercii Portugalli iisdem in Hispania privilegiis gauderent, quæ Anglorum natio haberet, vel quæ ipsi tempore Sebastiani Regis habuerant &c. Obiit Joannes Ann. 1656.
S. 12. Eodem anno, quo Pater mortuus, filius Alphonsus VI. die 30. Nov. minorennis adhuc coronatur, interim Matre tutrice regnum prudenter administrante. Quo tempore Hispani, cum ad montes Pyreneos pacem cum Gallis, excluso Rege Portugalliæ, adjectaq; expressâ conditione, ne Rex Galliarum Portugallis assisteret, iniissent, Portugalliam armis adoriebantur. Verum Portugalli vires alacres opposuerunt, & aliquot præliis Hispanos ceciderunt. Tandem Anno 1668. cum Gallus invaderet Burgundiam, Hispanus pacem à Portugallis postulabat; quâ pacis transactione Rex Hispaniæ, jus, quod in Portugalliam sibi esse contendebat, cessit & remisit. Interea Alphonsus cum adolevisset, administrationem Regni in se suscepit, ac Mariam Franciscam Isabellam Ducissam d' Aumale ex Gallia, in Conjugem duxit. Sed cum ipse nec regno propter judicii ac mentis imbecillitatem par, nec matrimonio aptus esset, utroq; excidit; Isabella monasterio se includit & separationem petiit ac impetravit. *S. 13.* Anno 1668. frater Alphonsi, cuius natalibus & virtutibus sceptrum debebatur, quique nunc felicissimè rerum potitur, Serenissimus PETRUS regnum adit, pariterque ad petitionem populi, ex dispensatione summæ Pontifi-

sis romani, Isabellam sibi asseruit, quæ filiam ei peperit Isabellam Mariam Josepham. Amor ingens subditorum est erga hunc regem suum, quos vicissim ille redamat, iisque Parentis magis quam Domini jure tam blandè justèque imperat, ut in rege majestas ac amor, in subditis studia & obsequia certent. reginà ante aliquot annos fato functà, jam ad alias transit nuptias, & communi genitum voto publicaque letitia, & congratulante terrarum orbe, Serenissimam MARIAM SOPHIAM ELISABETHAM, Serenissimi Principis Electoris Palatini DN. PHILIPPI WILHELMI filiam, connubiali fœdere auspiciatissimo nunc sibi conjungit.

Quæstio I.

Ad S. verb. rationes audire, ac de causa statuere &c.

An ipse rex, dum vivit, in causa dubia successionis sit judex competens, an Populus? Variè equidem inter gentes id disputatum agitatumque in summis orbis Imperiis fuit. In Persarum Imperio litem de Imperio inter filios à Dario Patre & Rege, Herodotus; lib. 17. in Princ. à Darii fratris Artapherne, Justinus lib. 2. cap. 10. à populo Plutarchus de Amor. frat. decisam refert: nisi id ita concilietur, quod alter mediatoris, alter patris ac regis vices gesserit, populusq; id probaverit. Eadem quæstio recurrens inter Cyrum & Articam seu Artaxerxem Mnemona à patre rege definita dicitur apud Plutarch. in Artaxerxe, quanquam postea nihilominus res bello commissâ fuerit. Plutarch. ibid. Cum post Euphaëm Messeniorum Regem dubium esset, quis ex regia Æpyditarum domo succedere deberet, ipse Rex vivus cognoscendi ea de re potestatem populo dedit, uti ex Pausan. citat. Grot. de J. B. & P. lib. 2. cap. 27. In Ægypto Prolomæum filio natu minimo regnum contra jus gentium tradidisse, ejusq; rei populo rationem reddidis-
se,

se, ait Justin. *lib. 16. cap.* In Anglia Elisabetham in Senatu Ordinum Reginam declaratam, dicit Camdenus *in hist. Elis. part. 1. in princ.* casumque Reginae Scotorum Mariae itidem apud Ordines tractatā, narrat idem Camdenus *part. 2. ann. 1571.* De successione Henrici IV. causam prolixè agitatam fuisse in comitiis Parisiensibus recenset Thuan. *Hist. lib. 105.* Martino Rege Aragoniæ defuncto, cum plures de Regno acriter contenderent, partim Juri, partim Theologi arbitri electi, & tamdiu arci inclusi sunt, donec de Rege convenit. Marian. *lib. 19. in fin.* Arque ex hac ipsa varietate potius apparet, neque Regi, neque populo, neque conventui Ordinum, hoc judicium proprio jure atque ad illum effectum competere, ut eo judicio partes efficaciter obligentur, nisi id jus eis reservatū, vel legitimè quaesitum, vel compromissum in eos fuerit, cum & ipsa causa successionis in Regno & ipsæ personæ, quæ Reges se esse, summamque potestatem habere perhibent, alium in se judicem verum admittere, salvā prætensione suā, nō possint. In allegatis verò exemplis magis id obtinuit veneratione Patris aut Regis, quorum judicio ultro sæpe ex pietate vel verecundia defertur; quam juris obligatio ne. Uti & in exemplo Angliæ successio Elisabethæ indubia fuit, nec sententiā de Regno, sed parendi promittitudinem, hoc facto Ordines declarunt. In Scotia & Gallia res vi & bello potius, arque inter civilia dissidia, agebatur. In Aragonia communi placito in arbitros consensum fuerat. Atque in speciem nostra Henricus in id intentus fuit, ut, rationibus partium auditis, auctoritate sua, & persuasoria magis, quam decretoria potestate, litem, si posset, componeret: quemadmodum etiam, partibus acriter dissentientibus arque ad alia remedia provocantibus, laudabilis hic conatus Henrici effectus caruit.

Quaest. 2.

Ad §. 3. verb. Patrem suum repraesentantem &c.

An ius representationis jure naturali quoque valeat in Regnis?
Aff. idque non tantum in casibus juris civilis, sed omnibus, quibus successio jure naturæ defertur. Atque huic fundamento innititur causa Henrici IV. in Gallia, qui patruo suo prælatus est. Ex eodem quoque principio dependet decisio quaestionis, toties armis ventilatæ & duellis quoque commissæ: An nepos ex primogenito præferendus patruo suo? Quod omnino ex hac ratione asserimus.

Quaest. 3.

Adeund. §. Verb. Præscriptio objici poterat &c.

An in possessionibus regnorum præscriptio locum habeat? R. Possit etiam objici aliquam præscriptionem etiam in possessionibus regnorum violentis, sive bello apprehensis; quamvis multi insignes Autores contrarium sentiant, quorum præcipuum fundamentum est: quod usufructus si-
ve præscriptio sit juris civilis; cum natura non præscripserit tempus 30. vel 100. annorum, vel quodlibet aliud, sed definitio illa certi temporis sit juris positivi: imo tempus per se nullam vim effectricem habet, sed est mera denominatio extrinseca, scilicet quantitas durationis: sed & quod in pœnam negligentiae per præscriptionem auferantur dominia, mere juris civilis, adeoque tota præscriptio ejus juris non verò juris naturalis est. Principes autem jure civili non obligari certum est. Verum, licet illa 30. annorum vel alterius definiti temporis præscriptio non sit juris naturalis, nec Principes obliget, tamen, præscriptionem aliquam jure naturali necessariam esse & dari, assero; quoniam impossibile est, sine præscriptio-

ptione ullum dominium allegari seu probari posse:
Consequenter nullā re jure uti possem, semper incerus de dominio. Est autem illud juris naturalis, sine quo finem, sive jus à Natura in hanc terram sive res terræ nobis datum, consequi non possumus; Unde dico, præscriptionem valere in Regnis sive inter Principes. 1. quando aliquis possidet rem, & probari non potest, sive non existat memoria, quod à non Domino acceperit, quæ verā quædam præscriptio temporis est, & ex temporis lapsu nascitur. 2. Quando Dominus sciens, rem ab alio teneri tanquā Domino, & cum potuit repetere, non repetiit longotempore, tunc silentium pro consensu est, & videtur rem habere pro derelictā. 3. Idem valet, licet nō possit repetere metu alterius potentia. Hoc enim casu renunciare videtur juri suo repetendi, cum potius vult rem in statu suo relinquere, quā arma subire & cum damno repetere. (vid. contrav. ad art. 2. §. 11. sup.) Quæ duæ posteriores non sūt species præscriptionis temporis propriè dictæ, scilicet quæ nascitur ex lapsu temporis, sed ex tacito consensu Domini vim capiunt; ut hanc materiam optimè discussit Excell. Vir, Dn. PRÆSES in Prælect. Jur. Nat. & Gent.

Quæst. 4.

Ad §. verb. Infavorem Principis Parmensis &c.

An Doctores Ticinenses jure pronunciarint pro Parmensi contra Catharinam Bragantinam? R. diffing. Si meram juris naturalis rationem inspicimus, dicendum videtur, jus illud succedendi, quod soror natu major, Ducissa Parmensis Bragantina ab ipso momento nativitatis habuit, cum omni suo eventu ac prærogativa, jure naturali devolutum fuisse in ipsius filium Rainutium, in eoque durasse, Matre etiam mortuā; Atque ex hoc jure Ticinensium sententiam pro Parmensi esse veriorē. Verū, posita lege

Portugallia, quod extraneis sint præferendi indigenæ, nisi illi beneficium indigenatus seu naturalisationis, ut vocant, acceperint; in hoc casu cum Combricensibus statuo contra Ticinenses. Etenim per conclusum in Comitibus Portugallia Lamecensibus, sceminam extero Principi nubentem (quod prædicti Rainutii Ducis Parmensis, Mater fecerat, à Regno excludi, statutum est.

Quæst. 5.

Ad §. 10. verb. Philippi Wilhelmi, Serenissimi Electoris Palatini, filiam connubiali, fœdere &c.

Quale matrimonium optandum & eligendum sit à Principe?
 Resp. Id apud Tacit. *Annal. in princ.* traditur, ubi, cum in Curia ageretur de nuptiis Claudii Imperatoris, & Uxore, tanto Principe digna eligenda; Vitello tria respicienda publicè prætabatur. *Nobilitatem, fecunditatem, sanctimoniam.* Quæ omnia auspatisimis hisce ac Regiis nuptiis, quæ Lusitaniam ac Palatinatum jungunt, apprime conveniunt. Sive enim de *Nobilitate* quærat, quæ unquam in terrarum orbe nobilitas major fuit, quam Caroli Magni & prisci illius Salicorum generis, ex qua genuinæ originis luce ac radiis familia Palatina prosapiam ducit; hodieque generis sui claritudinem cum ea, quæ totius orbis summa ac maxima est, Austriacam dico, ejusque ac orbis capite, gloriosissimo ac invictissimo Leopoldo, triumphatore felicissimo, auspatisima affinitate miscet. Sive de *spe fecunditatis* deliberetur; sive denique de insigni *Pietate*: utraque conspicua fiet exemplo Serenissimorum Parentum: Illam ex tot illustribus eorum generationibus percipe, hanc ex moribus: fortes & boni creantur fortibus & bonis. Fœcunditatis omnia ubique gens Palatina præbuit, hodieque adeo præbet, ut quasi gentile Serenissimæ hujus familia bonum ea videantur. Probitatis vero

rò Pietatisque fidem facit tam sollicita Serenissimorum parentum educatio, quæ ex tanto numero in nullo Serenissimorum liberorum fefellit. Utriusque verò documentum omnium illustrissimum dar Gloriosissima Augusta, Regiæ hujus sponsæ soror germana, cum pariendi felicitate, tum incomparabili in Inviictissimum suum Leopoldum obsequio. Sic igitur esto, sic erit Regia quoque hæc sponsa Serenissimo suo PETRO Serenissima PETRA, domusque ac Regni ipsius munimentum firmissimum.

Quæst. 6.

*Ad S. eund. verb. Connubiali fœdere auspaticissimo
nunc sibi conjungit.*

At matrimonium, adhibitis solennitatibus solitis per Legatum contractum, plenum matrimonii effectum habeat? Aff. cum solus consensus in nuptiis omni jure, etiam Canonico, sufficiat. Vid. c. 1. & pass. tot. quæst. 2. caus. 77. Quæ itaq; huic consensui, qui solus sufficit, accedunt solennitates, non minuunt, sed augent consensus ac propositi constantiam, vinculum matrimoniale magis ligant. Unde in quibusdam Imperii locis tales solennitates id operantur, ut pacta dotalia vim & effectum habeant, perinde ac in consummato matrimonio. Quin conjugium hoc & legitimum ratum dici potest, arg. c. 17. q. 1. caus. 28. etsi voto solenni dirimi jure Canonico possit. c. 3. & pass. X de convers. conjug. Fuitq; ea quæstio agitata inter Maximilianam I. Imp. & Carolum regem Galliæ, in nuptiis Annæ Britannicæ, cum qua Maximilianus per Legatum, additis solennitatibus solitis, nuptias contraxerat.





SECTIO II.

Exhibens Justitiam Belli & Pacis fundatam

In

**Historia Politica & civili Regni
Portugalliae.**

Ex Dammianno à Goes, Botero, Resendio, Marinæo
Siculo, Nicolao d' Olieveria, Conestagio, &c.
desumptâ.

ART. I.

De

Legibus fundamentalibus Regni Portugallici.

I.

Prima propè Regni Portugallici incunabula à legibus cœperunt, & pariter Reges ac Leges Portugallia accepit. Cum enim Alfonsus, Henrici Lotharingici filius, ut dictum Sect. I. Art. 1. ante initam cum Regibus Maurorum pugnam Rex proclamatus à militibus, indeque prælio commissio feliciter hostes suos devicisset, prima à prælio curâ ejus fuit, ut certis legibus novum Regum formaretur. Diploma igitur datum fuit in prima ejus congregatione, Ann. MCXLI. in quo leges latæ & actum fuit de præcipuis Regni aliisque majoris mome-

momenti negotiis. Atque hoc legum diploma, prout editum invenitur apud Joannem Caramuelem Lib. 2. Art. 4. antiquitatis suæ, quam ipsa neglecta Latinitas proderet videtur, veneratione apponendum hic duxi; idq; ita se habet. In nomine sanctæ & individue Trinitatis, Patris & Filii, & Spiritus Sancti: Trinitas inseparabilis que nunquam separari potest. Ego Alfonsus Comitis Henrici & Reginae Tareja filius, Magnique Alfonsi Imperatoris Hispaniarum nepos, ac pietate divinâ ad regium solium nuper sublimatus, convocavimus Regni Procures istos &c. §. 2. Et magna multitudo aderat congregata Lamegi in Ecclesia sanctæ Mariæ Almacave, seditq; Rex in solio regio sine insigniis regis, & surrexit Laurentius Venegas Procurator Regis & dixit: Congregavit vos Rex Alfonsus, quem vos fecistis in Campo Auriquo, ut videatis bonas literas Domini Papæ, & dicatis, si vultis, quod sit ille Rex. Dixerunt omnes; Nos volumus quod sit Rex. Et dixit Procurator: Si ita vultis, date ei insigne. Et dixerunt omnes; deus in Dei nomine. Et surrexit Archiepiscopus Bracarensis, & tulit de manibus Abbatis de Laurbano coronam auream magnam cum multis Margaritis, quæ fuerat de Regibus Gothorum, & posuerunt illam Regi. Et Dominus Rex cum spata nuda in manu sua, cum qua ixit in bello, dixit: Benedictus Deus, qui me adjuvavit. Cum ista spata liberavi vos & vici hostes nostros, & vos me fecistis Regem & socium vestrum. Siquidem me fecistis Regem, constituimus leges, per quas terra sit in pace. Dixerunt omnes; volumus, Domino Rex, & placet nobis constituere leges, quas vobis bene visum fuerit, & nos sumus omnes cum filiis, filiabus, neptibus & negotiis ad vestrum mandare. Vocavit citius Dominus Rex Episcopos, viros Nobiles & Procuratores Civitatum & dixerunt inter se: factomus in principio leges de hereditate regni. Et fecerunt istas sequentes. §. 3. Vivat Dominus Rex Alfonsus & habeat Regnum. Si habuerit filios varones (id est, masculos) vivant & habeant Regnum, ita ut non sit necesse facere illos de no-

E

vo Re-

vo Reges. Ibunt de isto modo. Pater si habuerit Regnum, cum fuerit mortuus, filius habeat, postea nepos, postea filius nepotis. & postea filii filiorum in secula seculorum per semper. §. 4. Si fuerit mortuus primus filius, vivente Patre Rege, secundus erit Rex; si secundus, tertius; si tertius, quartus: & deinde omnes per istum modum. §. 5. Si mortuus fuerit Rex sine filiis, si habeat fratrem, sit Rex in vita ejus: & cum fuerit mortuus, non erit Rex filius ejus, si non fecerint eum Episcopi & Procurantes: & Nobiles curiæ Regis; si fecerint Regem, erit Rex: si non fecerint, non erit Rex. (NB Quisquis verò sit posteriorum verborum sensus, usu certè immotaq; Regni observantiâ omnes cognati suo jure succedunt, ut nunquam opus sit nova electione; Ita post mortem Joannis II. Sebastiani, Henrici II. semper succesores suo jure regnum ambiverunt, nec unquam iis, etsi omnes ultra fratrum gradum essent, hoc jus oppositum fuit: frustra; fuisset controversia illa, in Sect. 1. art. 2. exposita, si jus id dependisset ab electione.) §. 6. Dixit postea Laurentius Venegas, Procurator Domini Regis, ad Procurantes: Dicit Rex, si vultis quod intrent filias ejus in hereditatibus regnandi, & si vultis facere leges de illas? & posteaquam altercaverunt per multas horas, dixerunt: Etiam filia Domini Regis sunt de lumbis ejus & volumus eas intrare in Regno & quod fiant leges super istud. Episcopi & Nobiles fecerunt leges de isto modo. §. 7. Si Rex Portugallia non habuerit masculum, & habuerit filiam, ista erit Regina, postquam Rex fuerit mortuus de isto modo. Non accipiet virum nisi de Portugal: Nobilis, & talis non vocabitur Rex, nisi postquam habuerit de Regina filium varonem; & quando fuerit in congregatione maritus Reginae, ibit in manu manca (id est, sinistra) & maritus non ponet in capite coronam Regis. §. 8. Sit ista lex in sempiternum, quod prima filia Regis accipiat maritum de Portugalle, ut non veniat Regnum ad estraneos: & si casaverit cum

Prim-

Principe est raneo non sit regina, qui nunquam volumus regnum nostrum ire for de Portugallensibus, qui nos sua fortitudine reges fecerunt, sine adiutorio alieno per suam fortitudinem & cum sanguine suo NB. (Hanc Regni legem antiquissimam Anno MDCLXXIX cum cogitaretur de moderna infanta Portugalliae desponsandâ. abrogatam esse, lego apud Becman. in Hist orb. terr. p. m. 494.) §. 9. Istæ sunt leges de hereditate regni nostri, & legit eas Albertus Cancellarius Domini regis ad omnes, & dixerunt: bonæ sunt, justæ sunt, volumus eas per nos & per semen nostrum post nos, §. 10. Et dixit Procurator Domini Regis, dicit dominus rex: vultis facere leges de nobilitate & justitia? & responderunt omnes: Placet nobis, sit ita in Dei nomine, & fecerunt istas. §. 11. Omnes de semine regis & de generationibus filiorum & nepotum, sint nobilissimi viri, qui non sunt de Mauris & de infidelibus Judæis sed Portugallenses. Qui liberaverint personam Regis, aut ejus pendonem (id est, Vexillum) aut ejus filium vel generum in bello, sint nobiles. Si aliquis comprehensus de infidelibus mortuus erit propter quod nō vult esse infidelis sed stat per legem Christi, filii ejus sint nobiles. Qui in bello mataverit (id est, occiderit) Regem inimicum, vel ejus filium, & gancaverit (id est, acceperit) ejus pendonem, sit nobilis. Omnes, qui sunt de nostra curia & fuerunt de antiquo nobilis, sint per semper nobiles. Omnes illi qui fuerunt in Lide (id est, pugna) magna de Campo d' ouriquio, sint tanquam nobiles & nominentur mei vasalli per totas generationes. §. 12. Nobiles si fugerint de Lide, si percusserit cum spata aut lancea mulierem, si non liberaverint Regem aut filium ejus, aut pendonem pro suo posse in Lide, si curaverint falsum testimonium, si non dixerint veritatem Regibus, si male salaverint (id est, locuti sint) de Regina, & filiabus ejus, si fugerint ad Mauros, si furtaverint de alienis, si blasphemaverint ad Jesum Christum, si voluerint matare Regem, non sint nobiles illi neq; filii eorum per semper. §. 13. Istæ sunt leges

de nobilitate : & legit eas Cancellarius regis Albertus , & dixerunt : bonæ sunt , iustæ sunt , volumus eas per nos & per semen nostrum post nos . §. 14. Omnes de regno Portugalie obediant regni , & Alvazilibus locorum qui fuerint ibi per (id est , pro) nomine regum , & isti iudicabunt per has leges iustitiæ . §. 15. Homo si furtaverit per prima vice , & secunda , ponant eum medium vestitum in loco per ubi omnes vadunt : si magis furtaverit , ponant in testâ (id est , capite , latronis signum cum ferro clado ; si magis furtaverit , moriatur : & non matabunt eum sine jussu Domini regis . §. 16. Mulier si fecerit Malfairo (id est , adulterium) viro sub cum homine altero , & vir eius accusaverit eam Alvazil , & si sunt boni testes , cremetur cum igne , cum dixerint totum ad Dominum Regem , & cremetur vir de malfairo cum illa . Si maritus non vult quod cremetur mulier de malfairo , non cremetur vir qui fecit malfairo sed vadat liber ; quia non est lex vivere illam & matare illum . §. 17. Si aliquis occiderit hominem , sit quis est , moriatur pro illo . Si quis forcnaverit virginem nobilem , moriatur , & totum vadat avere (id est , omnia bona sit de virgine sforcata . Si non est nobilis , maritentur ambo , sive homo nobilis sit , sive non sit . §. 18. Quando aliquis per vim gancaverit (id est , ceperit) avere alienum , vadat querelofus ad Alvazir & ponat querelam , & Alvazir restituat illi suum avere . §. 19. Homo si fecerit roxum (id est , vulnus) cum ferro moludo (id est , acuro) vel sine illo , vel dederit cum lapide vel ligno troncudo , faciat illum Alvazir componere damnum & pechare (id est , solvere) decem morabitanos . §. 20. Homo qui fecerit injuriam Alvazile (id est , Prætori) Alvazaide , homini missio à Domino Rege , vel etiam Saine , si percusserit , assignetur cum ferro clado , si non pechet 50. morabitanos & componat damnum . §. 21. Hæ sunt leges iustitiæ : & legit eas Cancellarius Regis Albertus ad omnes , & dixerunt : bonæ sunt , iustæ sunt , volumus eas per nos , & per semen nostrum post nos . §. 25. Et dixit Procurator Regis Laurentius Venegas : vultis quod Dominus Rex vadat

vadat ad cortes Regis de Leone, vel de tributum illi, aut alicui
 persona for (id est, præter) Domini Papæ, (Marian. l. 10. c. 20.
 ait, se nescire, an hoc tributum solverint Lusitani prius
 tem poribus, sua autem & majorum ætate fuisse immu-
 nes. Caramuel verò in Philip. prud. L. 5. Disp. 5. solvisse
 inquit usque ad Alfons. III. & omnes surrexerunt & spatis
 nudis in alium dixerunt: Nos liberi sumus; rex noster liber est
 manus nostræ nos liberaverunt, & Dominus rex; Quitalia con-
 senserit, moriatur, & si rex fuerit, non regnet super nos. Et
 Dominus rex cum corona iterum surrexit & similiter cum spata
 nuda dixit ad omnes: vos scitis quantas lides fecerim per (id
 est, pro) vestram libertatem; testes estis, testis brachium meum,
 & ista spata, si quis talia consenserit, moriatur, & si filius aut
 nepos meus fuerit; non regnet; & dixerunt omnes; Bonum ver-
 bum. Morientur: Et rex si fuerit talis, quod consentiat Domi-
 num alienum, non regnet. Et iterum rex, ita fiat.

Quæstio I.

Ad S. 2. Verb. Nos volumus, quod sit rex.

Cujus sit reges facere? Resp. 1. Liberi populi in se ipsum;
 quia summam potestatem plenissimo jure habet, eamque
 transferre in Principem titulo regio vel simili potest; uti
 populus Romanus lege Regia omnem potestatem suam
 Principi & in Principem contulisse dicitur. l. 1. ff. de Const.
 Princ. 2. Superior potestas, cui imperiū universalius com-
 petit, v. g. Imperator, potest inferius territorium erigere
 in Regnum, vel ex Principe inferiore Regem facere. Ita
 Otto III. Boleslaurum, Poloniæ Principem, Regem creavit.
 Henricus V. Cæsar in Vratislaum, deinde Fridericus Bar-
 barossa in Vratislaum, deniq; Philippus Cæsar in Premis-
 laum. cum omnes saltem Boëmiæ Duces essent, Regiam
 dignitatem contulit, quæ in duobus prioribus tantū per-
 sonalis fuit, nec in successores, qui Duces saltem fuerunt,

continuavit; at Premislaus ad successores suos insignia Regiæ dignitatis transmisit. 3. Is quoque, qui cum summa potestate, sed inferiore titulo, v. g. Comitis, Ducis, populo præest, sibi ipsi Regium titulum, consensu saltem civium suorum, assumere potest. Ita Aristobulus primus ex Assamoneorum genere Regiam in Judæos potestatem cum Regio titulo induit. *Joseph. Antiq. lib. 13. cap. 19.* Et inter Aragoniæ Comites primus Sanctius II. Anno Christi 901. vel, ut alii, Ramirus Regia insignia suscepit. Hac quoque ratione optima Alfonso Portugalliæ fascis Regio jure omnium unanimi consensu, tum cum patriæ libertatem ab hostibus vindicabant, adeptus est.

Quæst. 2.

Ad eund. §. Verb. Et fecerunt istas sequentes.

An leges Portugalliæ, quæ sequuntur, justæ sint? Resp. Eas omnes ac singulas justas, nullamque naturali æquitati adversam esse, defendimus.

Quæst. 3.

Ad §. 7. Verb. Ista erit Regina.

An femina jure naturali succedant in Regnis? Neg. sed tum demum cum expressa conventionem, aut consuetudinem receptum est, ut hic. Nam pace & bello rempubl. regere ac defendere naturâ virile officium est: quam in rem graviter differit Caro apud Liv. *lib. 3. c. 2.* cum legem Oppiam contra matronas defenderet. Hiuc, cum Cleopatra de regno Ægypti cum fratre Ptolomæo contenderet, provocavit ad specialem Ægypti consuetudinem, apud Lucan. *lib. 10.* ubi Cæsarem ita compellat:

Non

Non urbes prima tenebo

Famina Nilivacas : nullo discrimine secus

Reginam scit ferre Pharos.

Eandemque peculiarem consuetudinem in Britannis notat Tacit. *in vit. Agric.* quòd sexum in Imperiis non discernant. Prudenter igitur lege certa id hic cautum est.

Quaestio 4.

Ad S. Verb. Nobiles si fugerint de Lide &c.

Quibus de causis amittatur nobilitas? Resp. 1. Nobilitas amittitur per infamiam & vitæ turpitudinem, quia nulla potest subsistere vera nobilitas absq; bene meritis ac honestate; quin jure naturali nulla est nobilitas, quam quæ ex meritis ac virtute resultat. juxta illud Juven.

Nobilitas sola est ac unica virtus;

Neque illam recuperat, licet ad meliorem frugem redeat, probrosus ille & infamis nobilis, nisi specialiter à Principe restituatur Resp. 2. Ingressus in monasterium sive assumptio ordinis Religiosi nobilitatem non tollit. Tiracuell. *in Tract. de nobilitate.* Licet dignitas Regalis, Ducalis &c. per vitam monasticam amittatur, quia terriorio cohæret. Resp. 3. Officium Procuratoris nec jure civili aliquid nobilitati derogat. Hodiernis quoque moribus idem omnino asserendum est, cum in judicio camerali & aliis bene constitutis tribunalibus honestum omnino sit officium Procuratorum. Resp. 4. Ars medicinae, Astrologiae &c. non derogat nobilitati; nam Scriptura asserit, medicum esse honorandum propter necessitatem; imò Christus dicit, se esse medicum, & ipse multos sanavit; Et multa exempla Pontificum ac Regum sunt, qui medici fuerunt. Resp. 5. Agricultura nobilitati non derogat, licet nobilis ipse manum suam admoveat. Resp. 6. Artes sordidae ac viles derogant nobi-

nobilitati, si nobilis per se exerceat; si verò per alios, non statim nobilitas intelligitur amissa: neque hic valet regula vulgaris, Quod quis facit per alium, hoc ipse fecisse censendus est. Quod si tamen nobilis deinde ab arte vili destituit, putant recuperati dignitatem; quod nobis non videtur. De aliis vid. Tiraquell. *Tract. de Nobil.*

Quaest. 5.

Ibid. verb. Neg; filii eorum per semper.

An ob delicta parentum puniri possint liberi? Resp. Neg. et si Deus dicatur punire peccata parentum in multis generationes; Et in crimine laesae majestatis à parentibus commissò priventur liberi nobilitate, bonis &c. Nam ad 1. Dico, hanc non esse poenam, sed instar calamitatis naturalis, adeoque huc non pertinet, nam poena est privatio boni ob delictum, Liberi autem hoc casu nil deliquerunt; imò liberi illi non privantur jure suo per Deum, nam respectu Dei nil nostrum est: Ergò respectu liberorum poena non est, sed merus casus sive fors humana, ut natura sua non plus habeant, quàm si pater ab initio pauper fuisset, vel ipsi bona naufragio amisissent, vel surdi ac caeci nati essent: illa enim cuiq; innocentissimo contingere possunt, quia omnia fiunt ex dispositione summi Arbitri, qui voluntate sua omnia moderatur. Ad 2. Dico, Hæc eadem applicantur aliquatenus ad leges humanas, v. g. in crimine laesae majestatis; nimirum Princeps potest alicui ea, quæ ex jure quocunq; habet, auferre duobus casibus, scilicet vel in poenam, vel in utilitatem Reipublicæ. Ergò licet liberi hoc casu nil deliquerit, tamen Princeps potest eos privare nobilitate, bonis exuere, patriâ expellere, ob utilitatem Reipublicæ, ut Respublica sit secunda: pauperes enim tantum latrant, non mordent. Sed quid de infamia,

nia, an infames esse debent proditorum liberi? Resp. Affirm. scilicet debent esse intames quoad effectus civiles, quemadmodum spurii, lictores licitorumque liberi, et filio viore maculâ notantur.

Questio 3.

Ad §. 15. Verb. Si magis furtaverit &c.

An pœna mortis in furem possit constitui? Negat Scotus, eo quod inter bona temporalia & vitam hominis nulla sit proportio; sed affirmat Molina, cum quo sentio, quoniam non attendenda proportio inter pœnam & rem ablatam, sed proportio inter pœnam & malitiam, quæ iudicio & arbitrio potestatis Politicæ in quolibet loco dignoscitur, & pro genio cujusque populi definitur, proindeq; pœna pro modo contumaciæ ad mortem quoque extendi potest.

ART. II.

De Modo gubernationis & administratione justitiæ, prout traditur ab iis, qui initio citati sunt.

I.

Portugalliæ regimē, non minus, quam reliquarum Hispaniarū, Regium est & Monarchicum, licet legibus Regni fundamentalibus (ut cæterorum regnorum Europæ) restrictum. Quin & cum consensu Procerum Rex leges universales condit, fœdera ac bella decernit, collectas novas imponit, ita ut summa potestati nihil inde delibetur, cum & cætera Majestatis jura solus exerceat. Collationem beneficiorum in Portugallia habet Pontifex Romanus, jus nominandi vero est penes Capitales: paucis tamen adhuc annis modernus Rex Portugalliæ a curia Romana impetravit, ut tertiam partem redditu Episcopaliū totius regni ex proprio arbitrio conferre possit cuilibet, V. G. ministris suis, aliisque bene meritis, eorumve filiis aut cognatis. §. 2. Provincia extraneæ ad Portugalliam

lia pertinentes, administrantur per Vice Reges, quia aliquando Archiepiscopali vel Episcopali dignitate sunt ornati, quos subditi eorū dignitatem & auctoritatem obedientia suā magis venerentur; Pro-
 Rex ditionem Americanarū residet in Brasilia; & India Orientalis
 suscipit Palatium Goanum. Minoribus vero Provinciis Asiae & A-
 fricae praesunt Gubernatores: qui partim Regi immediate, partim
 Proregibus subsunt: Ut plurimum vero Gubernatorum istorum of-
 ficiū non durat ultra triennium; quo saluberrimo consilio ac sta-
 tuto Portugalliae prudentissimum veterum Romanorum morem i-
 mitatur, plurimisque periculis ac difficultatibus obicere solet. S. 3. Au-
 la Regia Portugalliae magno numero Magnatum, V. G. Ducum,
 Marchionum, Comitum & Nobilium, qui Regi sunt à servitio, re-
 pleta est. Ex Regni vero consuetudine Rex non nisi indigenas mi-
 nisteriis suis aliisque officiis adhibet; quae consuetudo saepe egestati
 Nobilium aliorumque honoratorum virorum consulit: Nam, cum
 sapius statum conditioni ac natalibus suis convenientem sustinere
 non possint, licet provisionales, ut vocant, quibus officium guber-
 nationis in India, aliudve munus ipsis confertur, ex quo non exi-
 guam pecuniae summam sine cuiusquam detrimento obtinere pos-
 sunt, à Rege impetrant. vid. Sect. 3. Art. 1. §. 2. §. 4. Regiam au-
 tem aulam comitantur aliquot tribunalia, quorum rationem & or-
 dinem ex usu sui temporis (quod recens est & in regimen Joannis
 IV. incidit, quem modernus Rex Serenissimus Parentem habuit)
 Autor Comment. de Regis Portugalliae Regnis & opibus his
 verbis recenset: Primum & principale appellatur tribunal Rela-
 tionum, & domus supplicationū, vulgo Casa de supplicaçaon.
 cuius officiales reliquos omnes auctoritate superant; ii jam in ci-
 vitate Ulisiponenſi fixas habent sedes. Constat autem hoc tribunal
 decem iudicibus, quos vulgo vocant Desembargadores, duobus Cor-
 regidoribus in causis criminalibus, totidemque in civilibus; duo-
 bus iudicibus, qui de causis Fiscalibus & vectigalibus coronae co-
 gnoscunt; quatuor auditoribus, qui de sententiis criminalibus ju-
 dicant.

dicant; uno Procuratore Fisci, binis vectigalium, uno iudice Cancellaria, uno Promotore, ut vocant, iustitiæ; & quindecim Desembargadoribus extraordinariis, uno sollicitatore iustitiæ, octo scribis appellationum, uno distributore, uno thesaurario depositorum in curia, aliquot praconibus, & quadraginta ut plurimum Procuratoribus literatis; denique uno Praeside, qui ex maioribus proceribus regni assumitur, & vulgo Regedor de Iustitia appellatur. Porro Desembargadores hi cognoscunt de omnibus causis, quæ per appellationem ad ipsos devolvuntur à tribunali Portuensi, quæ superant valorem centum mill. rees in bonis mobilibus, & octingenta mill. in bonis fundi, præterea de causis, quæ ad ipsos deferuntur à iudice novarum assessorum tribunalis Portuensis, quæ prædictum valorem excedunt; deniq; de cæteris quæ ab aliis tribunalibus ad ipsos deferuntur. Habet denique hoc tribunal unum Cancellarium, qui sigillum suum omnibus sententiis appendit, & de erroribus scribarum, eorumq; stipendiis cognoscit. §. 5. Alterum tribunal appellatur Caza de Civil, id est, rerum civilium, quod cum diu in civitate Olysiponensi fuisset, Philippus I. Portugallie Rex ad oppidum Portuense transtulit: auctis stipendiis non modo huius tribunalis iudicum sed & superioris, ut cum majore integritate singulis iustitiam ministrarent. Constat autem duplo pluribus officialibus quam primus: judicant hi de omnibus causis, quæ valorem centum mill. rees in rebus mobilibus aut octingenta mill. in rebus fundi non excedunt. §. 6. Est & tertium Tribunal majoris, quam duo superiora, auctoritatis, quod appellant Desembargode Paço, id est palatii; quod constat uno Praeside è præcipua nobilitate, quinque Desembargadoribus, septem scribis, aliisque minoribus ministris; hoc tribunal semper aulam regiam comitatur, & supremam obtinet jurisdictionem. Nam & appellationes concedit iis, quorum causa jam à superioribus tribunalibus iudicate fuere, & causam in iudicio à novem Desembargadoribus denuò cognoscenda committit. Itemq; in omnium totius regni iudicum actiones in-

quirir & coram se earundem rationem jubet reddere, si quisquam
 se ab ipsis in iuste gravatum aut oppressum in iudicio conqueratur.
 Idem & privilegia omnia, quæ à Rege petuntur, promulgat legi-
 timos declarat, de adoptionibus & aliis donationibus facim fidem
 formæ & honoribus restituit: iudicio ordinariorum electione con-
 firmat: possessiones rerum aut conservat, aut in easdem restituit:
 vindicias dat secundum libertatem, & ætatis privilegia concedit:
 homicidis & aliis condemnatis veniam potestate regia indulget:
 de controversiis inter duo superiora tribunalia cognoscit, denique Rex
 communicat hic tribunal omnes casus iustitiæ & jurisdictionis,
 quæ incidere solent. §. 7. Est & aliud Tribunal per magnæ digni-
 tatis, licet non tantæ, ac præcedens, cujus iudices cognoscunt & ju-
 dicant de omnibus causis, quæ ad Coronam pertinent, sive Rex a-
 flor sit sive alii, qui quidam Rege in iudicio petant. Præterea est &
 Cancellarius major, qui aule sive Palatii appellatur, qui iurisdic-
 tionem habet in omnes Curie scribas, & sigillum custodit, quod om-
 nibus omnium tribunalium sententiis subnecti solet. Idem & do-
 nationes Regias sigillo munit. §. 8. In eadem aula quoque Tribunal
 est Quæstorium, ipsi vocant de Fazenda, quod constat tribus Proce-
 ribus principalibus, qui Veedores da fazenda, id est, Quæstores
 erarii appellantur, & totidem iudicibus qui conjunctim cogno-
 scunt & sententias ferunt de omnibus causis, quæ erarium Regis
 spectant: nam & patrimonii regii, & creditum atque reddituum
 rationem habent, tam intra regnum, quam extra in ditionibus,
 quæ Corona sunt acquisitæ: & dant operam, ut non modo Regi de
 iis, quæ ipsi debentur, satisfiat, sed ut ipse quibus debet, satisfaciat.
 Illi autem Veedores maximæ sunt dignationis, tum propter eminentiam
 earum causarum quas tractant, tum quia fere Consiliarii
 sunt Regis, eiq; non modo in erarii rebus, sed & omnibus, quæ regi-
 men regni principale concernunt, inserviunt. §. 9. Præter hæc Tri-
 bunalia est hic Consiliū, quod vocant Stat9, in quo sunt personæ pro-
 sapia & nobilitate eminētes, sed numero indefinito, prout Regi pla-
 cuerit.

curi, in quo principalia negotia pertractantur, quæ regimen concernunt; & bellum juxta atque pacem. Ad eosdem & præsentatio fertur, net omnium Archiepiscopatum, Episcopatum, Abbatiarum & Commendarum tam in ipso regno, quam in provinciis Coronæ belli acquisitis. §. 10. Hujus tribunalis caput, appellatur Quæstor maximus, vulgò contador major, qui rationes inter inferiores rationales distribuit, qui fere sunt duodecim; scribe autem illis ferunt sedecim, & alii ministri inferiores. Hoc Tribunal in sumptuoso edificio celebratur, quod Caza dos contos vocant. §. 11. Juxta hanc rationalium domum visitur alterum magnificum, quod vocant Altandega, id est, domus publica mercium vel galium. Id constat partibus quatuordecim, quarum una dicitur Menza do despacho de Madeira, ubi vectigal sive portorium solvitur pro materiæ, quæ foris importatur. Altera dicitur Menza do despacho dos portos secos; &c. Vid. prædict. Aur. ex cujus tempore adeò recenti non multum tortè hæc immutata sunt.

Quæst. 1.

Ad §. verb. Regium est & Monarchicum.

An Regnum Portugalliæ sit mere monarchicum, an verò mixtum cum Aristocratio, seu populari? Dubium id inde fieri posse viderur, quoniam *Art. præced. §. 2.* Alfonsus dicit: *vos me fecistis Regem & Socium vestrum.* Unde argui posset, regimen illud non esse merè monarchicum, sed Regem in societatem regiminis solummodo esse assumptum. Item ex eo, quod leges populi voluntate latæ, aliaque nonnulla Procerum consensu fieri dicuntur. Vid. *h. Art. 1.* Verum his non obstantibus formam regiminis Portugallici esse tantum Monarchicam, dicimus: quoniam penes Regem arbitrium est & vis & norma jubendi. Illa verò populi Regem & Legem approbantis voluntas pertinet ad

regnum ejusque statum constituendum: quippe in constituendo legibusque armando novo regno populus concurrebat; & Alfonso melius tutiusque; vilius tuit, in tanto negotio consensum civium requirere, ut juris illa constitutio non modò ut lex superioris, sed & ut conventio publica universi regni valeret; sed nec delinere summam potestatem & regimen verè Monarchicam statuimus, etsi omnia cum consensu Ordinum fierent.

Quaest. 2.

Ad S. 5. Verb. Homicidis & aliis condemnatis veniam potestate regia indulget.

An jus aggratiandi locum habeat in homicidio? Neg. de homicidio doloso, quia id jure naturali capitale est, de quo nemo in terris dispensare potest. Hinc Israelitis, etsi liber populus, & cum summa potestate erant, prohibitum tamen est gratiam facere homicidis dolosis, *Deut. 29. v. 13. Num. 35. v. 32. & seq.* unde Ludovicus pius veniam, quam jam dederat, melius edoctus revocavit Heig. p. 2. *quaest. 24. n. 32.* Et Carolus V. cum potestatem dispensandi daret, excepit semper hoc crimen. Atque hoc ita decisum est, cum Ferdinandus I. Imp. Comiti de Tironibus rogatu Principum remittere supplicium vellet, Senatusque Mediolanensis, cui causam delegaverat, responderat, id in crimine dolosi homicidii fieri non posse, Successor ipsius Maximi II. rescripsit Senatui 1. Oct. 1564. ut circa dispensationem jure ageret. Vid. Bod. *de Republ. l. 1. c. 7. l. 1.*

Quaest. 3.

Ad S. 6. Verb. Sive Rex auctor sit, sive alii, qui quid a Rege in judicio petant.

An Rex, vel ipsius Curia, in causis ipsius Regis cognoscere & judicare possit? R. 1. Posse in causis publicis Regis, seu ipsius Regni,

Regni, quia hæc propria Regis causa non est, quia non Jure privato, sed jure officii ea res ad ipsum spectat. *arg. l. §. 11. ff. quand. appell.* adeoque non magis propria hæc ipsius causa, ipseque suspectus in ea videri potest, quam si magistratus cognoscit in causa, quæ ad ipsius officium seu jurisdictionem pertinet. R. 2. In causis verò privatis ipse quidem Judex non est; id enim repugnat; sed tamen nec judicem alium in causa habet, quam summo potestas non admittit. Soler igitur ultrò causam submittere judicio Curiae suæ vel magistratus ordinarii, sententiamque sponte sequi, *juxta l. 4. C. de legit. &c.* Vel legem generalem dicere, unde causa propria simul legem accipit. Ita Tiberius in causa servitui Parthenii, qui putabatur esse liber, legem generalem fecit, ut hoc casu hereditas *aquis partibus* divideretur inter dominum servi, & substitutum *l. 41. ff. de vulg. & pup. subst. vid. Diss. de Jud. in propr. caus.*

Quæst. 4.

Ad §. 8. verb. Qui conjunctim sententias fuerunt &c.

An si quis ex collegiis absit, eorum jus pertineat ad præsentem?

Affirm. Ratio est, quia hoc ipso, dum absunt, neque contrarium denuntiant præsentibus, eorum sententiis subscribere videntur, ac proinde jus suum tacite in eos conferunt. Secus est, si plures Condomini sint. qui communem jurisdictionem habent v.g. tres Principes qui unum territorium possident: illi enim non faciunt collegium, nec habent unam omnes jurisdictionem in solidum, sed singuli jurisdictionis partem pro indiviso, adeoque major pars non prævaler, sed omnes adesse & consentire debent, potiorque est conditio prohibentis. Vel uno igitur contradicente res in statu suo manet & nil fit; Ratio est, quoniam nemo potest disponere de parte alterius, quod tamen hoc casu fieret; Nam quævis particula, etiam minima, istius rei communis est.

est, licet forte inæqualiter. Unde sequitur, eum, qui disponit de parte rei communis, disponere de parte, quæ alteri est. At priore casu unum collegium omnium, idq; unius personæ instar est; quæ non potest secū dissentire, sed necessario negotium ex majori suffragiorū numero explicandum est; nisi vel singulorum quoq; jus, vel alia ratio sit, quæ impedit, quò minus numero votorum res committenda, uti in Pace Westphalica art. 5. §. in causis, de negotio religionis constitutum est.

Questio 5.

Ad §. verb. Provinciis coronæ bello, acquisitis &c.

An ea, quæ Rex acquirit bello, incorporentur coronæ, an verò familia suæ acquirat? Resp. Coronæ, cujus jure bellum gerit. Nā omnia, quæ bello acquiruntur, ei acquiruntur, qui jus belli habet: atqui non familia Principis jure privato; sed Respublica, cujus pars & caput est Princeps, qui eā repræsentat, j9 belli habet Ergo Princeps quæ jure belli occupat, sibi non privarim, sed tanquam capiti Reipublicæ, sive ipsi Reipubl. cujus nomine bellum geritur, acquirit; quamvis expensis propriis vel operâ familiæ suæ bellum gesserit.

ART. III.

De Magnatibus, Reditibus, & Expensis

Regni Portugallia.

Ex relatis à prædictis autoribus.

I.

Magnates Portugallia, titulum habentes post Regem, primū & summum caput, sunt plurimi Duces, Marchiones, Comites, Barones, & familiae nobiles multæ. Horum Magnatum census annuos 40000, quorundam 15000. Ducat. asserit. Sed omnium familiarum præcipua est Ducis Baraganzæ, de qua Vasconellus Soc. Jesu Sacerdos, Theologus Ulyssiponensis in vita Joannis I. sic scribit.
Joannes

Joannes, antequam regnum adiret, ex Agnete genuit Alfonso, cui data uxor Beatrix, Nonii Alvari Pererii Equitum magistri unica proles, addito dotali comitatu Barcellensi & Ducatu Brigantino. Quod fuit Illustrissima ac penè Regia domus Brigantina seminarium, è qua summis Regibus ac Principibus Christianis connubia expetita. Hac ille. Quibus annecto ex Gonsalvi d' Avila Historiographi Regii Theatro Madriti sequentia: Inter magnates Portugallie excellit Dux Braganza, qui habet octuaginta quinque millia Vasallorum, & belli tempore Regibus inservivit cum viginti millibus armatorum. Obtenet etiam civitatem & quadraginta & octa oppida, & plurimos pagos, & disponit de quadraginta & quinque commendis, ut vocant, Christi & mille trecentis ministris justitiæ, multis Prætoribus, quæ ducentos & trecentos crusatos annuatim valent, & præsentat beneficia Ecclesiastica, quorum quedam valent duo millia, quedam duo millia & quingentos crusatos. Habet quingentos domesticos, magnam partem nobiles, & annui ejus redditus ascendunt ad centum & sexaginta millia crusatorum. Et Cluverius in sua Introduct. ait. Reperii in Portugallia, quod haur facile alias in toto orbe tertarum, Ducem scil. Brigantinum, cui, quod maxime mireris, tertia pars regni pareat. S. z. Ecclesiasticorum in Portugallia primipilus est Archiepiscopus Ulyssiponensis, cujus suffraganei sunt Episcopus Udedensis, Zamorrensis, Civitatisensis, Leriensis, Badojozensis. Deinde sequuntur Archiepiscopus Bracarensis, & Eboensis, quibus subsunt Episcopus Conimbricensis, Lamegensis, Visensis, Almagrens, Tiden, Lugensis, Astrogen, Morvedrensis. Præter quos sunt etiam alii, nimirum in India Orientali Archiepiscopus Goanus, qui dicitur Patriarcha Indię, uti, & Archiepiscopus Lerrensis, & tres Episcopi Cochinen, Meliaporens, & Macaensis &c. De illorum potestate & dignitate vide prolixius Gonsalvum d' Avila. Nicolaus Oliveira reditus qui-

dem annuos Ecclesiasticorum non recenset, sed summam annuatim opes Ecclesiasticorum, æquales esse Secularium opibus. S. 3. In Regno Lusitaniae esse tres ordines Equestres, recenset Johann. Gotofred. in Archont. Cosmic. (alii addunt quartum, scilicet S. Joannis) Primi dicuntur Equites sacrae militiae Christi, quorum signum est crux rubra, cum sinibria sive linea extrema aurea & argentea linea in medio: Hic ordo possidet ingentes redditus, & centum quadraginta Commendas habere dicitur: imo Oliveira commemorat hunc ordinem quadringentas quinquaginta quatuor Commendas completi, & his quotannis à Rege solvi 236326. crusat. seu ducat. Portugallie. Secundus est Equitum S. Jacobi, qui pro insigni ferunt gladium rubrum: constat hic ordo sexaginta Commendis, quibus ex relatione Oliveiræ, quotannis 120000. (alii volunt 100000.) crusati impenduntur. Tertius est ordo Avisi, quorum signum est Crux viridis: qui ordo tenet quadraginta tres commendas, & 70000. crusati impenduntur. Ita Oliveira; qui addit, caput horum Equitum omnium esse Regem Lusitaniae, ab eoque Magisterium cum redditibus teneri. Sunt in horum numero Viri Principes, Duces, Marchiones, & plures Comites: Nobilium ingens est numerus, qui & beneficio horum ordinum plus ceteris per regnum possident. Quantum capio, inquit Boterus, redditus Ecclesiastici & ordinum militarium ascendunt ad milionem coronatorum. S. 4. Proventuum annuorum Regni (quos tamen temporis ratio sepe auget vel minuit) & expensarum summam exhibet Hugo Lincoetan. Nicolaus d' Oliveira quoque liberum edidit, in quo diligentissimè & minutatim explicat annuos Regni Portugalliae redditus, Expensas & redditus in India Orientali Coronæ Portugallie subiectæ accurate persequitur Eduardus Menesius Prorex. Ut verbo dicam, qui accuratius computaverunt (scilicet considerando redditus ipsius Regni, fructus Magisterii ordinum equestrium, proventus Guineæ & Brasiliæ, vectigal ex aromatibus & mer-

Et mercibus Indicis perceptum) redditus Portugallia, pro suo tempore ad sexaginta auri tonnas extendunt. Sanè divitias Regis Portugal. ex eo aestimare licet, quod Joannes IV. filio suo Alfonso, fratri & Antecessori Regiæ Majestatis hodie imperantis, reliquerit 50. milliones, cum tamen Portugallia tunc tot bellis exhausta esset, hodiè verè in statu florentissimo & pacatissimo sit posita. S. s. Expensarum annuarum summam extendunt Autores citati ad quatuor decies centena & octoginta millia ducatorum, calculumque ita subducunt. Ministris & administris justitiæ per totum regnum, mercedis vel salarii nomine dantur quotannis centum ducatorum millia. Proventus Teucarum (id est donorum & privilegiorum, quæ Rex velut feuda gratuita largitur certis hominibus hac lege, ut, donec ipsi vivant, his utantur fruantur, iis defunctis ad Regem caducitatis jure revolvantur) quotannis ascendunt ad trecenta millia ducatorum. In juras (ita vocant redditus annuos, quos vendit & in perpetuum hereditario jure possidendos certis personis concedit, qui sicuti alia patrimonialia bona ad heredes transeunt) annuatim expenduntur 150. millia ducatorum. Ad defensionem munimentorum locorumque Africa quotannis insuntur ducatorum quinquaginta millia. Ad conservandas quinque triremes perpetuas centum millia ducatorum. Ad sustentandas copias navales, quæ classes in Indiam navigantes, & inde redeuntes comitantur & tuentur, trecenta millia ducatorum annua. In moradias, (ita vocant Mercedes & stipendia annua, quæ Rex concedit partim ministris suis, quos vocant Mocosa da Camera, Cavaleiros Fidalgos & similes, partim aliis bene meritis, aut quorum parentes Regno aliquid officii præstiterunt, qui remunerari aliquando solent, ut appellantur servitores domus Regiæ, neque is exiguus aestimatur honor, & ut præstetur iis avena in equorum alimoniam, quotannis solvuntur ad octoginta ducatorum millia. In alimenta Regiæ familiæ quot-

annis expenduntur ducenda ducatorum millia. Ad conservandas arces & munimenta Regni ipsius ducenta millia ducatorum. Quæ omnia cum facti sint, & sæpe mutentur, descripsimus ex fide eorum, qui supra allegantur.

Quæstio 1.

Ad §. 1.

An jura Majestatis in Magnates transferri privatim possunt?
Resp. Ipsa jura Majestatis, & quæ universalia sunt, toti regno, ipsique Majestati cohærent, non possunt. At in certa regni ditione seu parte, jura omnia particularia istius loci cum plena potestate concedi iis possunt, quæ tamen hoc casu non fiunt jura Majestatis, etsi quædam vel omnia istius loci jura particularia ita data sint, ut ne amplius à superiore dependant.

Quæst. 2.

Ad §. 1. Verba antequam regnum adiret?

An filius ante quæsitum à Patre regnum natus in jure primogenitura præferatur reliqui postea natis? Affirm. quia primogenitum, cui regnum debetur, cum esse indubium est, isque præfertur cum in quæsitis familiæ, tum in acquirendis. Atque ita obtinuit in Ottone I. Imperatore, cui frater Henricus hanc quæstionem atque inde arma movebat. Quamquam in Perside quandoque aliter evenierit, & in Ducatu Mediolanensi, lite inter fratres orta, ex hoc prætextu minor frater Principatum, teste Guicciardino, sibi arrogaverit. Vid. Grot. de f. B. & P. lib. 2. cap. 7. §. 27. & seq.

Quæst. 3.

Ad §. 4. Verb. Vestigal ex aromatibus & mercibus Indicis &c.

An mercibus in vectis & evehendis, vel personis transeuntibus, possit imponi vestigal? Affirm. quia nemo tenetur alteri con-

concedere aliquid gratis de jure suo, sed onus pro illo exigere & sub illo onere concedere potest. Atqui territorium illud, per quod transitur, & viæ istæ publicæ sūt Principis. Ergo. Dein magnis sumptibus eget defensio viarum publicarum: cum igitur sumptus illi necessarii sint, & non tantum cives sed etiam advenæ iis utantur ac utilitatem inde percipiant, meritò hi cogi possunt ut aliquid conferant. Atque ita onus proportionatum illis imponi potest; an autem sit proportionatum onus, judicium pertinet ad principem, cujus conscientia relinquitur. Idem etiam obrinet, licet quis viam onerosam evitet & aliâ viâ utatur: nam jus illud vectigalis non inhæret isti loco viæ, sed est jus territoriale pro transitu qui fit per territorium, non verò pro eo, quod transeant istum locum, quoniam locus ille tantum destinatus est exactiōi vectigalis, quæ, si evitatur cadunt merces in commissum. Ita Amplis. PRÆSES in *Prælect. Jur. Nat. & Gent.*

Quest. 4.

Ad §. 5. Verb. Ad sustendendas copias navales.


An valet societas navalis armata, quæ Admiralitas dicitur?

Disting. Ad nudam defensionem, ac propellendam vim Piratarum ac hostium aliorumque invadentium, simpliciter valet, nec opus est consensu Superioris, cum illa defensio sit juris naturalis. Ad laceffendos verò alios, vel occupandum loca aliqua, non valet, nisi ex mandato & concessione summæ potestatis, quæ jus belli gerendi habet, quod hoc casu illius potestatis nomine geritur, eique occupatu acquiritur.

tur.

G 3

Sectio



Seçtio III.

Exhibens Justitiam Belli & Pacis fundatam
In

Historia Naturali Regni Portugallici,

Ex Botero, Relendio, Oliveira & Autore libelli de Libertate Portugalliæ, &c. delumptâ.

Art. I.

De

Potentia Regni Portugallici, ubi de eorum navigationibus & ditionibus ac fortalitiis extra regnum.

I.

Constat, hoc Regnum olim longè frequentius habitatum fuisse quam nunc, quod exhauriatur regnū frequentibus navigationibus coloniisq; in remotissimas orbis partes; Brasiliam, Ethiopiam, Indias, Chersonem auream, Moluccas insulas: in quibus adeundis quotannis infinitorum hominum fit jactura, pereuntibus nautis vectoribusque in mari variis calamitatibus; solebant enim mitti illuc quotannis circiter sex milia virorum, quorum vix tertia pars redibat in regnum. Quam popu-

populosa verò nihilominus sit hec terra, indicio est, quod Joannes Rex expeditionem in Africam suscepisse dicitur ducto in eam exercitu quadraginta millium. Et tempore Regis Sebastiani in Regno fuerunt numerata mille ducentæ cohortes peditum, delectu tantum facto ex Agricolis & Mechanicis, neque tamen omnibus: erant autem pleraque cohortes ducentorum capitum, quidam & trecentorum, & quadringentorum: Sed puta, omnes tantum ducentorum fuisse, efficient numerum ducentorum & quadraginta millium, quorum maxima pars infelicitè occubuit. Non facio hic mentionem equitum, quorum etiam ingens in Regno numerus, quia eorum ratio commodè iniri non potest.

S. 2. Præterea Portugalliæ Reges magnificum quid habent præ aliis Regibus & Principibus; scilicet, quod in contenti vassallis suis & ministris donare possint valorem plurimum myriadum, datis saltem literis: consistit quippe beneficium hoc in largitione Gubernationum, & Capitaniarum, questurarum, aliorumque munerum penè infinitorum; item in concessione & licentiis navigandi ad has aut illas regiones extra Regnum, puta in Indiam orientis, Bandam, Maluccos, Chinam, &c. quarum litterarum beneficio statim argentum ab aliis obtineri potest, sine detrimento Regis & subditorum. Ita Autor Libelli de Libertate Portugalliæ.

S. 3. Sane populissimum esse hoc regnum, nemo poterit dubitare qui animum adverterit ad immensum numerum familiarum, quæ passim in colonias sunt deductæ, ad Insulas, sicut in totam Africæ oram ad extremos usque Asiæ fines, & in Brasiliam, qua latissime patet: & præterea cogitandum illos non minimam quoque partem colonorum facere in America: Nam gens commerciorum avida & scientissima, etiam contra mandatum & voluntatem Castellanorum in intima & optima illius continentis & Insularum penetravit. Atque his tamen non obstantibus ipsum Regnum ita plenum est incolarum, ut neque agrorum cultura usquam vacet, neque de militum, naviumque

liumque sociorum penuria conqueri possint : ita ut non modo
fuisset & Castellanos partibus agendis abunde haftenus satis-
fecerint.

S. 4. Supra omnia aestimanda ventunt oppor-
tunissimus situs ad mare, & nobilissimorum portuum copia, qua-
les vix singuli aliis Regnis ut plurimum contingunt. Quo fit ut
& populus navium fabricandarum industria & navigandi pe-
ritia excellat. Cujus rei navigationes in longe distans regio-
nes, & summus periculorum contemptus faciunt fidem. Ne-
que negandum est, Portugallos reliquis Europaeis facem in ul-
timum orientem primos praetulisse. Unde facile cogitari potest,
Portugallia Regis potentiam in mari non esse exiguam : siqui-
dem tot classes continuo alit, quibus provincias suas longe lateque
disstas quasi colligat & protegit.

S. 5. Caterum poten-
tia Regni Portugallici maxime aestimari potest ex ditionibus,
Castris, fortalitiis & oppidis munitis, quae Portugalli possident.
Ditionis illorum cognoscere licet ex titulo quo Reges utuntur, de
quo agetur infra.

Scilicet Regnum Portugalliae duobus
Regnis comprehenditur, Portugallia in specie ita dicta & Al-
garbia. In Portugallia ipsa non multa fortalitia inveniunt praeter
locum illum, qui dicitur Port à Port, & urbes ac castra in
confinio Hispaniarum, quae ante non multos annos sunt munita.

Atiamen Portugalliam non parum munit natura ipsa montibus,
& ad alterum latus Oceano, quibus satis tuta est.

S. 6. Al-
garbia verò nomen est provinciae sextae Portugalliae, quae anti-
quis Turdetania. Hanc regionem (ut diximus Sect. 1.) Al-
fonsus sapiens Rex Legionensis dotis nomine Alfonso III. Regi
Lusitaniae, cum eam paulo ante à Mauris evicerat, dedit. Ex qua
tempore Reges Portugalliae Algarbi Reges sese dixerunt. Inde titu-
lus regni datus provinciae.

S. 7. Reliqui tituli Regis Lusitaniae
sunt ditionum in Atricae, Asiae, & Americae oris maritimis,
quo nomine cum mare Atlanticum intelligatur, hinc Brasilia im-
pensis comprehenditur. Horum ut ratio evidens sit, repetendum

est

est ex Sect. I. que loca à Portugallorum Regibus subacta vel occupata sint. Quomodo verò Portugalli novam in Indias viam, novamq; regiones detexerint, atque in hoc itinere admiranda armorum victoriarumq; felicitate in Africa, Perside, India, & Americis insignia loca, commercia, divitiasq; & opes sibi adquisiverint, & tantum orbem hodieq; Imperio teneat, id sic exponit Conestag. Majores (scil. Regis Emanuelis) diu multumq; Africæ litus legentes propugnaculum Arginense edificaverunt, Insulas Hesperidas (quas jam Capitis viridis insulas appellant) imperio suo subjecerunt, in Æthiopia arcem S. Georgii (quam Minam vocant) extruxerunt: Insulam Principis, & S. Thomæ, & alias nonnullas Insulas minores circumvicinas occupaverunt. Præterea Portugalli in ita cum regno Congensi, & Angollensi (quorum incolæ sunt Æthiopes) amicitia, caput Bonæ spei, & insulam S. Laurentii prætergressi, è regione illius Soffallam, Mozambicam, & Melinden (quæ sunt continentis) partim amicitia contractâ, partim etiam vi, prout incolarum ingenii erant, adhibita in potestatem redegerunt. Inde sub Rege Emanuele mare rubrum præterierunt, & institutis Socotoræ & Calahiatæ commerciis, sinum maris Persici, & Indiflavii ostium prætervecti, atq; Indiam ingressi, in regno Calicuti, Cochini, & locis circumvicinis pedem posuerunt: sed nusquam firmitus, quam auspiciis Alphonsi Albuquerquey, celeberrimi Ducis in Goa, quæ est insula regni Accem, vicina regioni Idalmaci, & hodie est civitas Archiepiscopalis, caput omnium eorum regnorum, & sedes vice-Regis. S. 8. Atque inde postea progressi ulterius, hinc inde parva quedam propugnacula extruxerunt: quinimo itiam retrogredientes usq; ad ostium sinus Persici, Insulam Armuzium occuparunt, & in eo litore multa loca, ut Chaul, Damane, Bazani, & Dio subjugarunt. In Promontorio Malabaris (quod vocant caput Comeris) versus sinum Gangeticum, negotiantur, & arcem habent in Insula Zeilan, ubi nascitur optimum omnium civatomum.

H

entem

entem præterveſti eum, quem dixi, ſinum & oſtium Gangis, inven-
nerunt alterum littus, in cuius Iſthmo (quam antiqui auream Cher-
ſoneſum vocabant) occuparunt urbem Malacam, diſtantiem 25.
milliaribus à magna illa Inſula Samatra, quæ & ipſa à multis pro
Taprobane habetur. §. 9. Et inde progreſſi ulterius, par-
tim negotiando in regno Peru, & aliis regnis in continen-
ſiſ: partim navigando, invenerunt minorem & majorem
Giavam, Regnum Sinarum, magnum archipelagus inſularum
Molucarum, unde cariophyllon, moſcocarjon, & multa alià a-
romata advehunt, denique Inſulam Japponem: & tandem
conſueque penetrarunt, ut obvios ibi habuerint Caſtellanos, qui re-
giones occidentales à Chriſtophoro Columbo Genuenſi, ſumpti-
bus & auſpiciis Regnum Caſtelle detectas, inveſtigabant: atque
ita per harum duarum nationum navigationes univerſus mun-
dus circumſtatus fuit, & Oriens cum Occidente conjunctus.
Occuparunt etiam tempore ejuſdem Emanuelis è regione Æthio-
piæ & capitis bonæ ſpei, provinciam quæ Sanctæ Crucis voca-
tur, & vulgò Braſiliæ, Regno Peru contiguam, quæ ſecundum
littus in mille quingentorum milliarum longitudinem extendi-
tur. De Azoribus inſulis, quas à Berencurio venditas obtinue-
rint, confer Thuan. L. 1. p. 25. L. 75. p. 737. Hucusque Conſeſt.
§. 10. Beeman. in Hiſtor. Orb. terrar. p. m. 471. ſcribit, quod cum
Portugallia Hiſpanis ſubjecta eſſet, bello inter Hiſpanos & Bala-
vos ſervente, littorales partes Inſula Ceylon, Litus Coromande-
licum, & alia Malaccam uſque Belga ſua fecerint, qui & Co-
chinum Anno MDCXXII. occuparint, ſed pax inter ipſos &
Portugallos facta ſit. Ubi addit, quod eodem Anno Rex Per-
ſiæ, opera Anglorum adjutus, Portugallis Inſulam Ormutz
eripuerit, urbeque diruta, commercia in urbem Gamron ad con-
tinentem ſitam tranſtulerit: Maſcateà quoque in Arabia ab
Arabie Principe non ita pridem exuti ſint. Denique in Africa
ſteriori locus Tanger. Anno MDCLXII. cum Catharina infante
Por.

Portugallia in Angli Regis potestatem concesserit. §. 11. Principes finitimos quod attinet, notandum, quod præter Principes amicos & vectigales sive tributarios, hæc ditiones limites jungant cum potentissimis inimicis; nimirum Rege Persia, & Cambaja, qui jus prætendit in aliqua loca, quondam sua: uti & cum potentissimis Principibus Regni Decan, Calecuti Rege & Narsinga. Licet verò hi omnes nervos intenderint ad recuperandum Diu, Chaul & Goam vicinaq; loca, nihil tamen, quod alicujus momenti esset, potuerunt efficere, sed Portugalli hæc horum molitiones subverterunt. Verum nullum graviorem inimicum habent Portugalli quam Turcas, qui è mari rubro, ob opportunitatem oppidi Adenis, sæpe illos ex India pellere conati sunt, nunc à Rege Cambaja invitati, nunc à propria ambitione incitati. Maxima classis fuit 64. navium, quam misit ad Diu, sed turpiter in fugam acta. Alteram item 27. navium ad expeditionem Ormuzianam destinavit, quæ ferè tota oppressa fuit & conquesta. In Ceylan nunquam multum habuerunt præter arcem Columbo; nam Rex, qui ibidem ipsorum vectigalis erat, Regno ejectus fuit à Singa Pandar Mahumetano: unde hic Rex exul, Portugalorum opibus sustentatus est.

Quæstio 1.

Ad §. 1. verb. quorum maxima pars infelicitè occubuit &c.

An DEUS victoriam belli semper tribuat parti iustitiorum causam habenti? Resp. Quod Actio judicialis inter privatos, id bellum quidem est inter Principes, quib; alius modus juris recuperandi nõ est, quoniam nullum judicem superiorem habet. Itaq; victoria est quasi sententia litis, quæ deciditur à Deo summo rerum arbitro, in cujus potestate est belli alea. Ille tamen sententiam fert victoriamque largitur non semper ex jure hujus negotii, sed fere quemadmodum dicit Triphonius de deposito à prædone facta;

cto; & in l. 31. §. 1. ff. de depof. ait, duo eſſe in depofito tali, jus contractus cum latrone init, & jus totius negotii, quod ex omnibus perſonis, quæ continguntur, conſtat; ſi contractū inipicias, debet depofitum reſtutui prædoni; at ſi æquitatem totius negotii conſideres, debet depofitum hoc reſtutui Domino verò. Eodem modo res ſe habet in victoria, quæ fortè alicui contingit, qui bellum injuſtum ſuſcepit. Nam ſunt in belli cauſa duo, ſcilicet juſticia cauſæ præſentis, & qualitas ſeu juſticia ſuſcipientis bellum: Hinc in bello ſi conſilium Divini Numinis inſpiciamus, Deus illud judicium ſæpe fert non de cauſa belli tantum ob quam homines hoc ſuſceperunt, ſed de tota injuſticia populi totius, vel de ejusdè innocentia. Ideò ſæpius fieri poteſt, ut ei qui in hoc bello habet juſtam cauſam, tamen propter alia peccata victoria denegetur. Interea tamen, quantam vim habet in bellis juſtitiæ conſcientia, paſſim oſtendunt hiftoriarum ſcriptores, qui victoriam ſæpe huic cauſæ præcipuè adſcribunt: Inde proverbium illud: raro ſoſpitem redire illum, qui injuſta arma ſumit. Nec movere quenkam debent proſperi ſucceſſus iniquarum molitionum: Satis enim eſt, quòd cauſæ æquitas ſuam quandam eamque magnam habet vim ad agendum, quanquam ea vis, ut in rebus humanis accedit, ſæpe aliarum cauſarum oppoſitu ab effectu impeditur.

Quæſt. 2.

Ad §. 4. verb. Etiam contra mandatum &c.

An liceat negotiari in alieno territorio, invito Domino territoriali? Reſp. Neg. Nam tranſitus quidem omnibus hominibus jure naturali competit, adeoque & omnia, ſine quibus commode tranſiri non poteſt, licita ſunt: verum ſub jure tranſitus non continetur, ingredi ita territorium, & negotiari, ut ibi aliquid vendere, vel operari invito Domino liceat. Itaque Princeps poteſt jure territorii prohibere, quia à jure Imperii (ut dictum) excipitur tantum jus tranſitus:

in

in cæteris itaque exercitii seu territorii usibus non exceptis potest Princeps jure Imperii extraneos arcere, licet extranei illi velint vectigal solvere.

Quaestio 3.

Ad §. 11. verb. Rex exul &c.

An Rex regno ejectus retineat Majestatem? Resp. Si ejectus sit à tyranno privato, tunc Rex ejectus retinet summam potestatem, licet populus in illum tyrannum consenserit. Nam populus suâ pactione non potest jus quæsitum Regi auterere nec quicquam disponere in præjudicium juris Regii: cum enim populus jus suum semel transtulit in Regem ejectum, id quod non habet, in tyrannum transferre non potest. Dixi, si ejectus sit à Tyranno privato; qui non habet jus belli. Secus est in aliquo Principe, qui jure bellialterum Principem ejicit: nam quoniam alium judicem non habens, bello res decidenda est, ideoque Cives belli victoriam sequi debent. Idem est si civitas in duas partes recedat, atque adeo arma in propria viscera vertat, ac bellum civile gerat: tunc enim disceptatio est inter duas summam potestates, seu potestatem summam prætendentes, & bello res decidenda est, quia sunt partes æquales & neutra pars judicem admittit: adeoque neutra pars habet tunc jus in alteram vel ejus adhærentes, donec per victoriam uni parti summa potestas adjudicetur. Unde sequitur, quod primo illo casu (scilicet ubi tyrannus privatus est, qui regnum occupavit) Rex ejectus mandate possit civibus, ut tyrannum occidant vel ejiciant; cui si cives possint, parere tenentur; secus duobus posterioribus casibus.

Quaest. 4.

Ibid. in verb. Rex ipsorum vectigal erat.

An dari possit regnum vectigale cum summa potestate? Aff. nisi in signum subjectionis solvatur vid. Grot. lib. 2. cap. 3. §. 21. 22.

Art. II.

De

*Provinciis & Urbibus præcipuis Portugallie, ubi
in specie de Ulyssippona.*

Dividitur tota Lusitania in sex provincias, quarum prima vocatur Alentejo, id est, Transtagana, longa leucas 36, lata 34 à Cimes págo ad civitatem Livas & Olivençam. Hæc Provincia omnium est fertilissima: quocirca, uti Romani Regi publicæ horreum antiqui scriptores Siciliam appellarunt, unde Romana Civitas alebatur, ita Regni etiam Lusitani horreum, jure dicemus Regionem Transtaganam. §. 2. Secunda est interamnenfis seu Duri Minienfis à Porto ad Valenciam, longa leucas 18, lata 12. Hæc licet tam exigua sit, tamen centum triginta habet monasteria satis opulenta, & etiam M. CC. LX. Ecclesias paroëhiales præter Baccarensem metropolitanam & Episcopalem Portuensem, aliasque collegiatas quinque: habet pontes CC. lapideos, quinque millia fontium perennium & sex portus maritimos. Præter amplissimos redditus qui supra millionem aureorum Ecclesiasticis solvantur, colligit ex hac Provincia Rex in singulos annos viginti supra centum aureorum millia, totidem privati Domini ac Dynasta. Est itaque hæc regio tam hominum quam rerum omnium, quæ ex terra gignuntur, opulentissima: nam & conjugis eximia liberorum fecunditate, ac crebro vigesima quinta prole exuberant, & de rerum abundantia apparebit ex Art. 7. §. 5. intr. Venationi quoque & aucupio est maxime opportuna: alitibus enim sylvarumque animantibus abundat, neque aliunde canes venatici, aut volucres rapaces magis sunt querende: utrumque enim nec ignobile tellus præstat, ita denique regio ista aspectui est jucunda hominumque usui comoda

moda, ut eam non immerito terrestrem Paradisum possimus nuncupare; in illa siquidem toto anno vernantes flores invenies, quasi ver primum semper efflorescat; unde Sirabo Lusitaniam solum fortunatum appellavit. S. 3. Tertia appellatur Transmontana à fluvio Tamaga ad Episcopatum Miranda longa 30. lata 20. leucas. Hæc regio nimis arida est, uti ferè solent esse feraces auri regiones, & idcirco aliqua ibidem sunt a transactis ætatibus aurisodina; frumenti tamen, vini, ac pecudum satis ferax, ut sibi non tantum, sed conterminis quoque victum præbeat. S. 4. Quarta provincia dicitur Beira à Coymbra ad Guardam continens totam regionem; quam vocant Ribeira de Coa, longa 36. lata 33. leucas numerando ab Aveiro ad Tourones. Est regio amenissima, ob fluvios, qui eam pluribus locis intersecant; frumentum ac vinum, quod suis incolis sit abunde, tellus profert. S. 5. Quinta appellatur Estremadura, ad mare à Cascais ad Mondego, in continente autem ab Abrances ad pontem Coimbræ; longa 35. lata 18. leucas. Hæc provincia (cujus caput est Ulyssippo) feliciorẽ in Lusitania tractum occupat, in quo omnia, quæ terra profert, visuntur laudatissima. S. 6. Sexta est regnum Algarbia à Ceixæ ad Castromarinum, e regione Ajmoniy, longa 28. lata 8. leucas. Hæc pars Lusitaniæ ita fœctis est occupata & vinetis, ut aliquando à vicinia victum exigat, si annorum minus faveat clementia. Abundat vino nobili, & oleo, quæ simul cum fico, uva passa, amygdalo, thyno, ac Sardania (ea communis est merx istius regionis) in externas regiones transferuntur. S. 7. In Genere Regni Portugalliæ ambitus esse censetur leucarum sive milliariarum Hispanicorum DCCCXXV. Præcipuæ civitates (quod nomen cæteris oppidis non attribuitur, nisi sint urbes capitales vel Episcopales, vel præcipuis privilegiis ornate) sunt Olyssippo, Conimbria, Lameca, Visæum, Miranda, Portus, Portalegra, Leria, Guarda, Elva, Bragantia &c. In Portugalliâ invenies

veniens oppida CDLXX, in quorum numero pagi & vinculi rustico-
rum non computantur. §. 8. Totius Regni caput est Ulyssipona,
vulgo Lisbona: quæ in Theatro Madriti, sic describitur. U-
lyssippo est regnum per se, ad quam conveniunt variae nationes
ad commercia exercenda. Obtinuit in longitudine duas leucas,
à conventu Belen, ad Monasterium S. Benedicti vetus: Numerat
ædes viginti septem mille, oppidanorum numerus nunquam rite
potuit subduci: Curiosi tamen numerant quingenties mille. Horti
& prædia superant septem millia. Obtinet quadraginta paro-
chias & 3388. fratres sacramenti: qui assuere processioni solenni
habite Anno 1619. cum Philippus tertius ibidem esset. Habet vi-
ginti & quatuor monasteria religiosorum, & in iis 1465. viros:
Decem & octo conventus monialium, in iis 1833. religiosas:
quatuor Xenodochia: unum Hospitale, & Domum misericordie,
in qua anno 1618. egri è variis morbis curati 11150, & facti sunt
misse 28272. Ejus redditus nonnunquam ascendunt ad triginta
& quatuor millia crusatorum. Jungunt connubio orphanos, re-
dunt captivos, auxiliantur pauperibus & peregrinis: sepe-
liunt defunctos in carcere & mari: absolunt debita incarcera-
torum ob as alienum: denique vix quicquam simile videre est in
orbe Christiano. §. 9. Hanc urbem Alfonsus I. Rex ita Mau-
ris ademit. Cum Christianorum exercitus reversus è Palestina
post captam Damiatam, sive Pelusum, Egypti urbem, navi-
garet Oceanum, accidit, ut tempestate coacti, in Portugallie
litora appellere, inque terram descendere cogerentur. Ob-
sidebat tunc Alfonsus Ulyssipponem, sed non magna cum spe po-
tiunda urbis. Commodum autem advenerant naves Germa-
norum, quæ redeuntibus ab Asia per fretum Gaditanum ingressæ
Oceanum Septentrionem petebant. Horum tam bona & forti
opera usus est Alfonsus, ut non tantum ceperit hanc urbem, sed
& multa alia insuper loca in suam potestatem redegerit. §. 10.
Ne autem ingratus esset pro tam opportuno auxilio Rex,
hunc

hunc nationi Germanicæ honorem habuit, ut eam particularibus æternisque donaret privilegiis, quibus gauderent præ regni Lusitanici indigenis, proposito Edicto irrevocabili, ut omnes Germani, qui impofterum vellent habitare aut negotiari in regno Portugaliæ, liberi ac immunes essent ab omnibus vectigalibus portorii, censu, contributione, subsidii, non ipsi solum eorumque uxores, liberi, domestici, servi; sed & bona ac domicilia eorum omnibus exempta oneribus: utquæ ipsis liberum esset, non obstantibus regni legibus sumptuariis, vestire se quomodocunque placuisset, ornareque corpus auro, margaritis, gemmisque, quod indigenis, Lusitanis nequaquam permissum est, quos lex vestiaria intra mediocritatis & modestiæ compingit cancellos. S. II. Tertiò, ne Germanus ullius judicis sententiæ stare cogeretur, excepto solo crimine læsæ Majestatis, & quidem in ipso hoc crimine, ne ab alio quàm suo judice judicaretur, qui appellaretur iudex Germanorum. Quarto, ut Germani immunes essent ab omnibus officiis servitiisque vel regno vel Regi præstandis, ad quæ nolentes nemo cogeret: sed ne quidem contributio aut subsidium pecuniarium ab eis exigeretur, etiamsi ipsi regni necessitas aut defensio status id postularet, ad quam tamen rem omnes cives Lusitani multis modis obligati sunt. Quinto, ne domus Germanorum, siue eas locatas haberent siue emptas, assignarentur unquam usibus aut servitiis Regis vel aulæ ejus, cui quidem oneri cætera civium domicilia subjacent. Postremo, ut facientibus inter per Lusitaniam Germanis omnes Hospices & pandochei summa promptitudine ministrarent, ante cæteros pro ipsorum pecuniâ inservirent, eosque honorificè exciperent. His aliisque privilegiis Germani non tantum in præsens tempus exacte observari plene gaudent, sed quotannis propemodum utuntur auctorioribus, cum ipsi Germani vicissim non desinat de Lusitanis, quibuscunque possunt modis, bene mereri.

Quaest. 1.

Ad §. 2. Verb. Venationi quoque & aucupio.

Jus venandi ad quem jure naturali pertineat? Resp. Divi-
sis occupatisque territoriis summæ potestati id tribuen-
dum, quippe ad quam pertinent omnia in territorio jura,
quæ nondum sunt privatis acquisita; potestque illa eam in
rem, uti de aliis juribus, quæ nondum privatis quæsitæ
sunt, eorumq; acquisitione, leges facere. Cum igitur leges
Romanæ & Justinianus jus venandi omnibus jure naturæ
tribuunt, nihil aliud per jus naturæ intelligitur, quàm jus
Gentium secundarium, seu positivum, quod Princeps in
suo territorio abrogare potest.

Quaest. 2.

Ad §. 9. Verb. Ut non tantum ceperit hanc urbem, &c.

An copiis auxiliantibus cedat pars prædæ sive urbis quæ capitur?

Resp. Neg. sed capta ei Principi solum cedunt, cujus auspi-
ciis bellum geritur, (alias germani ex hoc capite possent
prætendere jus in Olisibonam) quoniam is tantum ex bello
acquirat, qui habet jus belli. Dein omnia in bello sunt in-
strumenta Principis, qui bellum gerit; satis autem notum
est, quod ei acquiratur, cujus nomine quis acquirat. Ergo
jure naturali quicquid in bello acquiratur, hoc Principi ac-
quiratur, cujus auspiciis bellum geritur, & hoc jus tamdiu
obtinere, donec appareat Princeps inde aliquid concessisse
militibus quod tunc habent milites non ex jure naturali, sed
ex donatione Principis. Sic olim Principes concedebant mi-
litibus res mobiles, quas acquirebant, quod consensu comu-
ni plurium gentium introductum, & tandem dictum fuit jus
gentium, estq; id jus prædæ, quod hodie non ubiq; amplius
obtinere. Solent verò hodie pacta erigi, quid milites retinere
debeant, quid verò ad suos officiales ferre: Solet tamen etiā,
quod quis cum periculo suo capit, id ei ex liberalitate seu
humanitate relinqui, ad animandos conciliandosq; milites.

Quaest.

* (67.) *
Quæst. 3.

Ad §. 10. Verb. Proposito edito irrevocabili &c.

An privilegia ab Antecessoribus data possit Rex Successor revocare? Hæc valde agitata quæstio est, eandemque propè causam habet cum illa: An etiam Successores obligentur fœderibus & pactis Antecessorum? Ratio dubitandi est, quia par parem obligare non potest. E contra ex altera parte dubitandi ratio est, quod pacta, fœdera, & privilegia plerumq; non restringantur ad vitam Principis fœdus ineuntis; sed etiam intentio confœderatorum illuc tendat, ut & successor obligetur. Sed Resp. 1. in statu Reip. Aristocratico & populari, etsi primares seu Dures moriantur, manet tamen obligatio in successoribus; Ratio est, qui Principes seu Duces illi non habent jus imperii, sed imperium penes Remp. vel Senatum est; Respublica autem manet eadem idemq; Senatus, nec mutatur, etsi Duces illi seu Principes moriantur. V. G. Respublica Veneta, etsi Venetorum Dux moriatur, obligatur ad servanda fœdera, quia hic non magis imperiū habet in Rep. Veneta, quàm singuli Senatores. Resp. 2. In regnis verò ac Principatibus distinguendum est, num fœdus seu conventio in facto personæ consistat, v. g. de mittendis auxiliis, colendâ amicitia, &c. & hoc casu, si promissum sit intuitu atq; affectu personæ Principis, Successori ejus non debetur; secus si affectu & contemplatione Principatus; An vero non in facto, sed in translatione rei vel juris consistat? & hoc jus semel ritè quæsitum nunquam auferri potest, sed ad successorem quoque transit. Tutius tamen est, ad lites ambiguitatesque quin & malitias hominum evitandas, renovare fœdera & pacta cum Successoribus. Resp. 3. Nequidem ipse Rex, qui promissit, tenetur, si appareat, fœdus id Reipub. noxium valde & periculosum esse. V. G. si plus æquo ararium eo exhauritur, quoniam fœdus tale

tale excederet terminos gubernationis seu administrationis; Regnū enim, ejusq; jura non sunt in liberrima potestate Principis, sed sub ejus tantū administratione, quanquā excellentiore, quæ ad defendendā conservandamq; Remp. pertinet. Ergo absolvendus videtur, si non possit satisfacere pacto, quod terminos potestatis suæ excedit atq; ad destructionem Imperii tendit. Sane Elisabetha Regina Angliæ, cum promississet Belgis auxilia diuq; præstitisset, postea cum nimis gravia illa Reip. essent, habitū Jctorum de liberatione, imposterum ea se non amplius debere puravit. Vid. Camden. *ad Ann. 1595.* Quantum ad privilegia ab Antecessoribus concessa, eadem decisiō est; Si enim ex causa juris translativa sint data, tunc nec is, qui dedit, nec successor jus semel translatum revocare potest. Secus, si mera gratia & instar precarii sit. Ad solutionem vere debitorum, quæ contraxit Antecessor, non tenetur successor, nisi vel hæres, vel in remp. verum sit.

Quæst. 4.

Ad §. 10. Verb. Non obstantibus Regni legibus sumtuariis, vestire se.

An leges vestiarie pro ratione dignitatis constituendæ? Aff. quia vestium varietas & cultus corporis est signum extrinsecum dignitatis, quæ his veluti insignibus discerni solet, unde Justinus vestes vocat ornamenta dignitatis. lib. 20. c. 4. iisque matrona à viliori discernitur in l. 15. §. 15. ff. de Injur. Conf. l. un. C. null. lic. in fren. Atque ita in constitutionibus Imperii leges hæ vestiarie sæpius repetitæ, semperque secundum varios dignitatum ordines ac gradus genera vestium distincta sunt. Vid. Rec. Imp. de ann. 1577. tit. 9. & seqq. quo Imperii lege ordines dignitatum luculenter disposiri, & in eos vestium decora digesta sunt. Hinc Rubito Posthumo crimini datum, & inter accusationis capita relatum est,

est, quod palliatus fuerit, cum non esset insigne hominis Romani *Ærod. Rer. jud. lib. 9. cap. 12.* Et vestes, quæ uxoris, & quæ concubinæ causâ paratæ sunt, dignitate differre, dicitur in *l. 49. §. 4. de Legat. 3.*

Quæst. 5.

Ad eundem §. verb. Margaritis, gemmis.

An Margaritæ non sint gemmæ? Resp. Nos cum *Jcto in l. 19. §. 10. ff. de Aur. arg. leg.* Margaritas negamus esse gemmas, nec gemmis legatis contineri Margaritas; ejusque rei veram esse rationem asserimus, quæ in *d. §. 18.* affertur, quod concha apud rubrum mare crescat & coalescat.

ART. III.

Lusitanorum Religio, mores, & ingenium regionis.

I.

Romanum omnes Lusitani agnoscunt Pontificem, & Romano-Catholicam sectantur doctrinam, suntque valde devoti, uti & plerumque Reges pios habuerunt. Gaudent duabus celeberrimis Academiis, Conimbricensi & Eborensi. Illa instituta à Joanne II. Rege; Hæc ab Henrico Cardinale, cum adhuc Archiepiscopus esset. Conimbricensem Philippus Hispaniæ Rex, etsi contra se sententiâ tulisset in negotio successionis Lusitaniæ, servavit tamen non tantum; sed & præter opinionem omnium teste Thuan. lib. 73. fovit & auxit. Judæi & Saraceni, inquisitione etiam in eos facta, toto olim regno expulsi sunt. §. 2. Laude bellica ab antiquis jam temporibus valent Lusitani, quod sint fortes, agiles, veloces, prompti & laboris patientissimi. Navigandi industriam quoque & periculorum contemptum ex vero quis aestimet, si recordetur quæ tempore Emanuelis & Successo-

cessorum ejus Regnum ac antea, navigationis fuerint suscepta, primum ad oram Africa, dein ad ultimum usq; orientem; quin & orbis circumnavigati prima laus ipsis debetur. Mercatura autem jam à multis annis deditissimi fuere: unde incredibiles opes. Principua ipsorum laus fuit, quod semper amantissimi Regum suorum fuerunt, & obsequenissimi. Ob aeris salubritatem ad multam senectutem perveniunt Portugalli: Joannes Barrius, Historiae Lusitaniae scriptor gravissimus, se testem fatetur oculatum, in oppido villa Regalis quandam Isabellam Ribeiram agnovisse, quae superstites sibi filios, nepotes ac pronepotes sexaginta viderat supra centum. §. 3. Ludovicus Verteimanus, Venerus Senator, cum toto penè orbe lustrato ad Lusitanos in India belligerantes venisset, hoc eis testimonium dedit: Ego universum orbem peragravi, multis saepe bellis interfui, sed hac gente Lusitanorum fortiorem vidi nullam. Defidelitate Portugallorum erga suos Reges sufficiat illud praconium. At cujus hominis? Non domestici, sed externi, sed Belgici, sed Salamanticensis Professoris & diligentissimi chronicon Hispanicorum contextoris. Quænam gens, inquit, toto reperitur orbe Regi suo obsequentior, quàm Hispani, quos cum quotidie Reges sui cum vitæ periculo in remotissimas regiones, & alio, ut ille ait, sole calentes, ad oppugnandos barbaros mittant, eâ accinguntur alacritate, quali sine pulvere & sanguine rem essent domi gesturi, cujus rei, meo judicio, merita palmariam sibi laudem vendicant Lusitani, adeo Regi suo dediti, quasi ex unius vita penderet omnium. Et Alphonsus Mendoga S. I. in Oratione ad Philippum III. inquit: Fidei in Deum pedissequa est fides erga Regem, quæ sic eluxit semper in Lusitano, ut nihil supra possit excogitari. §. 4. Duarte Munez do Leano celebrat cum singularem pudicitiam virginum Portugalliarum, quæ ita educontur, ut non prodeant in publicum, nisi fortè ad Ecclesias, & no ad eas quidem nisi velata

ut facies earum conspici non possit : tum matronarum quoque castitatem & fidem erga maritos, ita ut supra modum abhorreant ab adulteris, & ab iis, quæ se coinquinant, easque, quæ vel male audiant, a consortio suo segregent. Quin etiam eas minus amant, quæ crebro nubunt, vel ad secundas nuptias transunt. Grande quoque probum ducunt maritatem, maxime nobiliores, absente marito chartis aut alea ludere cum alienis, nec facile hoc agunt, nisi cum germanis aut consanguineis. Indecorum quoque existimant vinum bibere. Oeconomi sunt diligenter, & in omnibus domesticis officiis admodum industrie, in vestitu decore & splendida, & munditiâ singularis. §. 5. De bodierno hujus regni cultu, deque ejus admirabili tum amantate, summatim omnis generis frugum copia atque ubertate, supervacuum existimo verba facere. Antiquitus autem ea de re omnino optime Timocrates, qui lib. Historiarum trigésimo quarto, de sui temporis annona ac rerum precio ita scribit : Ob optimam aeris temperiem, animalia ibi sunt fecunda atque homines ; nec unquam fructus desunt in ea regione. Hordei sikelus qui modicum spatinet, drachma venundatur, & tritici novem Alexandrinis obolis, vini metreta drachma ; badius mediocris obolo, sic & lepna : at agnus trium vel quatuor obolorum pretium esse consuevit. Sus qui ad centum librarum pondus accedat, quinque drachmis in cænas emitur, ad ficum talentum tribus obolis emitur. Vitulus drachmis quinque, bos iugo aptus decem, hircus vero animalium carnes, neque pretio quidem ullo dignæ putantur, sed has inter se conferunt, benigneque admodum viciosum largiuntur ac mutant. §. 6. Præter aurum & argentum, quorum Lusitaniam olim feracem fuisse nemo ignorat, & nunc quidem exhaustam, etiam stannum habet plurimum, præsertim circa conventum la foës, ubi stanni fodina à Regiis Quæstoribus pretio locantur. Abundat quoque ferro, præsertim in oppida Penella. Plumbo quoque abundat prope Armeniam.

nam, ad radices montis Etninii. §. 7. Præter Crystallum, cujus copia jam vilitatem peperit, in Regno hoc reperiuntur multæ gemmæ & pretiosi lapilli. Duabus leucis ab Olyssipone juxta Bellas oppidum Francisci Correa, reperiuntur Hyacinthi optimi magna copia, tam in saxis quam separatim, qui cum Orientalibus certant. In Villa vizosa, principali urbi ducatus Brigantini, reperiuntur in visceribus terræ lapides virentes, quos vocant Turquesas, quorum multi certant cum Persicis. His annumerari possunt præstantissima marmora variis in locis; juxta Vianam reperitur marmor candidissimum, è quo, quia saxorum aliorum penuria ibidem est, extructa sunt templa omnia & pleraque ædificia; ipsaque itinera strata. Gagates quoque reperitur in variis partibus hujus regni, præsertim optimus in loco qui vulgo appellatur Batalha. Villa vizosa reperiuntur lapides virides valde pulchri, quorum copia in Hispaniam vecta, magnificum regis palatium, quod vocant Elcorial, adornavit. Hæc quoque omnia posuimus, ut cætera, in factis & historia fidem secuti eorum, quos antea retulimus; in quibus, si quid aliter se habeat, aut nunc forte mutatum sit, in ejus præjudicium quicquid dictum fuerit, id dictum non esto.

Quæst. 1.

Ad §. 2. verb. Orbis circumnavigati &c.

Q. An transitus maris commercij causa liber sit, ita ut cuius pro lubitu pateat? Resp. Affirm. Ratio est, quoniam transitus est jus & unicum remedium, sine quo societas & commercium humanum non potest sustineri: Atqui societas & commercium aliquod inter homines, quo mutuo aliarum nationum copia aliarum inopiæ succurrat, est juris naturalis. Naturæ enim jure constitutum est, ut sibi communicare possent homines, quæ desunt; Ergo etiam ea sine quibus hæc societas & commercium conservari non potest, sunt juris naturalis. Hi transitus igitur, qui societatis humanæ conjugem-

jungendæ gratia . V. G. commercii, & matrimonii, quærendi causa fiunt, impediri non possunt terrâ marive. Reliqui verò transitus V. G. exercitus traducendi causâ, &c. ita de mum naturali jure concedendi sunt, si innoxii sint; quoniam licitum est unicuique defendere suum territorium ab omni periculo & meiu damni, & competit tantum transitus innoxius. Ita Consultiss. vir Dn. PRESES in prælect. jur. & gent.

Quest. 2.

Ad §. 3. Verb. Cum vitæ periculo &c.

Q. An Rex habeat potestatem in vitam ac bona subditorum?
R. Hæc in re sunt plures Principum adulescentes, qui omnia subditorum bona, Principum bona vocant, & Principem pro arbitrio bona subditorum ad se trahere posse jactant: idem jus Principi tribuunt in subditorum corpora, ita ut Princeps possit jure virgines, matronas, uxores suum in arbitrium inflectere absque omni in juræ ratione. Illud jus in bona subditorum exercere dicitur Rex Moscoviæ. Sed hanc opinionem ita crudè intellectam esse falsissimam, probatur ex disertis scripturæ verbis 1 Reg. c. 21. v. 1. 2. 3. & 19. ubi Rex Ahab audit comminationes Eliæ, quod vineam Nabod invasisset: quod si verò singuli non haberent bonorum proprietatem, Ahab puniri non potuisset. Unde impie loquitur Hobbes Cap. 6. de cive, art. 16. ubi ait, ex legibus tantum civitatis cognosci quid sit furtum, homicidium, adulterium. Itaque vera sententia hæc est, quod Princeps habeat potestatem in bona subditorum duobus saltem casibus, scilicet vel quatenus ad defensionem & utilitatem Reipublicæ pertinet; vel in pœnam, si delinquant.

Questio 3.

Ad §. 4. Verb. Chartis aut alia ludere.

Q. An lusus aleæ sit natura vetitus? Resp. Non quidem ipso jure

K

naturali

naturali, ac ferè pleratumque cultiorum gentium legibus prohibitum fuit in pecuniam aleà ludere, imprimis apud Romanos; quorum legibus nec perditâ pecunia peri, imò soluta, etsi utriusque turpitudine videretur, repeti potuit. *tot. tit. ff. de Aleat. Cicero in Philipp. II. valde exagitat Antonium, quòd Licinium Leniculum lege, quæ erat de alea, condemnatum restituisse, innuitque factum hoc ideò fuisse, ut collusorem haberet. Græcis octo saltem ludi permisi, reliqui prohibiti erant, de quibus, ut & de aliis ludis, illustrium imprimis, sapientumque virorum vid. Alex. ab Alex. *Gen. dier. lib. 3 cap. 21.* Germani veteres malè apud Romanos audiebant, quòd tantâ essent lucrandi perdendique temeritate, ut, cum omnia defecissent, novissimo jactu de libertate & corpore contenderint. *Tac. de Mor. Germ.* Hodie quoque legibus Imperii actio denegatur ei, qui ex alea pecuniam petit. *Fuß- & Knecht Bestallung de ann. 1570. §. 70.* Et laudat Plutarchus Alexandrum Magnum, quòd nullus ipsum ludus à negotiis abduxerit, nec milites ludere passus fuerit. *Plut. in Alex. M.* Quod, licet alioquin ludus naturâ prohibitus non sit, propter ingentes tamen abusus, qui vix evitari possunt, merito probandum.*

Quæstio 4.

Ad §. 6. Verb. Aurum & argentum &c.

Q. An gemmæ inventæ, aurisodinae aliæque adespota pertineant ad regalia de jure naturali? Resp. Affirm. Quæ enim post occupationem territoriorum in prima divisione dominiorum, inter subditos factam, non venerunt in distributionem, sive in singulos distributa non sunt, illa manserunt sub publica potestate territorii: Atqui Aurisodinae, gemmæ in littoribus maris, &c. non sunt in privatos distributa; Ergo manserunt sub publica potestate territorii sive Principis. Quod autem quibusdam locis mari-

maritimis, bona naufraga sibi vindicet fiscus, licet constet de Domino, pessima consuetudo est, & juri naturali penitus contraria; jamque dudum prohibita à Frider. Imp. in aush. Navigia C. de furt. Ita Ampliſſ. Dn. PRÆSES in præcēt. jur. Nat. & gent.

Additio,

Quæ complectitur
Insignia & titulum Regis Portug.

I

Supra est ut de Insignibus ac titulis Regnum Portugallia, de quibus in precedentibus quedam jam dicta sunt, mantissa loco pauca addamus. Insignia Portugallica ita exponit Jacob. Spener. in opere suo Heraldico. Scutum horum Regum argenteum est, & quinque parvulas representat cœruleas in crucem dispositas. Singula autem parvula quindis nummis argenteis in decusum dispositis oriantur. Scuto circumdatur limbus coccineus, septem castella aurea referens. Ceterum & olim Lusitania signum fuisse crucem testantur Historia veteres. Henricus quoque crucem argenteam in cœruleo scuto sumserat, expeditionis cruciata signum. Legitur quoque inter insignia Portugallia olim fuisse portam auream. §. 2. Causam quinque scutorum non unam allegant: Alii vulnere Christi quinque ita designari volunt; quam in rem referuntur littere Alfonsi Regis apud Caram. de Lobkovitz in Philippo L. 2. art. 7. Præcipio Successoribus meis in perpetuum futuris, ut scuta quinque in crucem & quinque vulnere Christi in insigne ferant, & in unoquoque 20. argenteos, & super serpentem Moysis ob Christi figuram, & sit memoriale nostrum in generatione nostra, & si quis aliud attentaverit, à Domino sit maledictus, & cum Juda traditore in inferno maceratus. Facta charta Colimbr. 3. Kal. Nov. Æra MCLII. Subscripta nomina Alfonsi R. & aliorum plurimum. Hec tamen charta aliquibus suspecta est. Alii contendunt, electum fuisse hunc quatuordecim ad conservandam memoriam 5. Regum Maurorum, quos Alfonsus prælia vicerat. Vid. sup. sect. 1. art. 1. Ubi etiam exposui cum causam 20. argenteorum, qui insignibus inscripti fuerunt; tum rationem, cur nomina

K

metus

metus iste 30. argenteorum in singulis scutulis reductus sit ad quinarium: nimirum quinquies quina, si quinarium ipsorum scutorum addas, compendio eundem numerum constituunt. Cui accedit, quod quinarium ubique Lusitanis fasces habitus fuerit. §. 3. Conestagius refert, Reges Lusitanæ, cum diplomata subscriberent, semper quinque puncta decussatim locata addidisse, vulnera appellare soliti, in memoriam vulnere Salvatoris. Unde Philippus Lusitaniam subacturus, cum alias soleret subscribere diplomatis hæc verba: Ego Rex: diplomata in Lusitaniam misso tamquam subscripsit Rex. 22. ad imitationem Regum Lusitanæ. Le Labour de l'orig. n. 70. 71. putat, Alphonsum mutasse crucem candidam patris, quæ in crueratis expeditionibus gestamen illud nimirum vulgare fuit, in crucem quinque scutis compositam, in decussim autem disposuisse inscripta puncta, ut alterius forma crucis [quam Andreanam vocant] etiam exornari haberet, imprimis quæ in Burgundia, natali Henrici solo crucis illi sequentior. De antiquiori symbolo Alphonso I. Regis ita Joh. Carum. Lobkowitz in Joh. Bragand. p. 55. Nordum Regi sagitta symbolum, cuius pernici voluti promittuntur in militares labores, velocitatemque signatam voluit; in Regi quinquæ Lunæ, ob devictos totidem Mithras tyrannos, quibus pro insigni Luna. Atque ex eo symbolo & quinis illis concinnata postmodum insignia, quibus Lusitania etiamnum gloriatur. §. 5. Castellorum, quæ limbum exornant, rationem a totidem affinitatibus cum Castellæ Regibus contractis derivant: & quidem in Hispania non infrequens est affinitatum causa limbos certos assum. Ajunt vero Sancium II. limbum hunc adiecisse, non tamen definito Castellorum numero. Alii Alfonso. III. adscribunt, cum dotis nomine Lusitania à Castellanis quadam oppida cederentur in ea provincia, quæ Apas fluvius mare petiit, controversa antea Utrique genti. Caram. Lobkowitz. Philippo prudent. in præfat ad Lect. adscribit Johanni III. §. 5. Descripto hunc in modum clypeo Reges coronam ex moderno more clausam imponunt. Sebastianus tamen, ultimus ex priori lineâ Rex, simplicem tantum gestabat, clausuram consuetudine adhuc vnius frequentis. Apex ex coronata galea erumpens & evolans Draco aureus, norando serpente, quem Moyses in deserto crexerat. Hæc & alia sunt mysteria memorant versus Caram. Lobkowitzii, Philippo prudent. Proæ:

Potior pi Christi transfossi vulnere quino.

Encus est Moysi vera figura Draco.

Gün-

Quinque crucem clypeis cruciger quia morte subegit.

Maurorum Lunas quinque Monarcha tulit.

Quolibet in clypeo formavit stigmata quinque,

Ut cor sit Clypeo Christus & altus apex.

§ 6. Joannem regem insignibus imposuisse sphaeram, qua deinceps in omen
tralla & detestatori ovis, legitur apud Linn. Jur. Publ. 6. 6. 94. Hoc
regibus posterioribus Regibus Portugalliae adscribitur. Ex quo liquet, Sib-
m. &c. I. apertum à vero abudere, qui equi caput imponit. Bragantino-
mum autem apex apud Chifflet. in f. Eq. A. V. n. 244. erat dimidiatus
equus argenteus triplici vulnere in collo latus, sanguine ex ore e-
manante, freno coccineo, iurato auro. Symbolum Regibus Portu-
galiae poenitere fuisse putatur [terre in monetis illud videtur est.] In hoc
turquo vinces; ab apparitione Christi, qui ea verba ad Alfonso proferen-
tem fertur. Telamones autem sunt Dracones, duo vexilla insignibus re-
gis depicta gestantes. Addit Sammarth. dans l'estat de Portug. p. 321.
regum popilionem caruleum ornatum scutis Lusitanicis. Ordo mili-
tarius & quoniam Jesu Christi vocant, cum cruce inde dependente: additur
cruce post scutum crux viridis, in liliorum flores terminata pro ordine
Avilion. Regni A'garb. & restata est scutum ex argento & minio quadri-
partitum. In argenteo visuntur singula capita Maurorum, diademate
torib. argenteo revincta: utraque tabea, quadrilatera regis adversa
fronte, aureo amictu. Hac videntur esse trophea victoriarum adversus
Mauros. § 7. Titulus denique Regibus Portugalliae usuratus, uti citatur
Part. V. Distr. Europ. ad Ano. MDCLX. Mens. Decemb. p. 246. hic
est: Rex Portugalliae, Algarum & citerioris atque ulterioris lateris
Occagi Africani, Dominus Guineæ & conquisitarum navigatio-
num & commerciorum in Æthiopia, Arabia, Persia & Indiis &c. Unde
apparet, Regibus Lusitania, insigne ac præcipuum præ omnibus aliis
e. g. quoddam scutis suis, non terras modo & maris citerioris & ulterioris
lateris Africæ sed navigationes quoque & commercia ipsa complectantur.
Idque ita inde à Rege Emanuele patescisse in Indias viâ maritimâ obtinuit,
obviationemque fuisse.

Questio 1.

§. 1. Verb. Henricus quoque crucem argenteam in carulos
scutis sumserat

An insignia privato arbitrio eligi ac mutari possint? Resp.

K 2

Insolignia

Insignia varia sunt ; alia publica dignitatis & officii, quæ non possunt sumi aut dari, nisi ab eo, qui ipsam dignitatem officiumve dare aut constituere potest ; neque aliter aut alibi, quàm constitutum est, usurpari possunt. Uti insignia Proconsularia Proconsul Romanus non habuit nisi extra urbem *l. i. de Offic. Proc.* Unde, cùm Princeps sit fons omnium dignitatum ac officiorum, nihil dubii est, quin eorum insignia publica dare ac mutare possit : quod inferioribus autem magistratibus regulariter non licet ; nisi in specie id à Principe concessum sit, uti certa lege concedi solet Comitibus Palatinis Alia verò sunt insignia privata familiæ ; eaque unusquisque patet familiæ arbitrio suo fingere, familiæque suæ inferre potest ; cùm sint juris & arbitrii privati, *l. un. C. de Mutat. nom.* nisi iuribus loci aliud sancitum, fuerit. At, si publicâ autoritate Principis privato ejusque familiæ dignitas collata fuerit, additis certis insignibus, mutari insignia ista non possunt *l. 10. C. de Jug. manum.* Multò magis igitur Princeps aut Rex regia familiæ suæ insignia confingere, & mutare potest ; tum jure Regis tum Patris. imprimis cùm insignia sint Juris positivi, quod sub potestate Principis est. Atque ita mutatorum insignium regni exempla non modò in Portugallia ; sed in Gallia, aliisque Regnis plurima occurrunt.

Quæst. 2.

Ad S. 3. Verb. Ad imitationem Regum Lusitania.

An licet alterius insignia assumere atque usurpare ? Resp. Cerrum est, insignia Principis vel officiorum à nemine usurpari posse ; adeò ut leverissime in eum animadvertatur, qui regis insignibus utitur. *l. un. C. Null. lic. in fren. tot. tit. C. Ut nem. priv. tit.* idque apud Persas capitale adeò fuit, ut Alexander M. in Persia, cùm diadema ejus viventi in flumen projectum arundini hæreret, milesque, qui id natan-

do

do repetebat, capiti imponeret, ne aquam contingeret, pro opera quidem talentum militi dederit, at pro gesto insigni morte puniverit; ut quidem Arrianus narrat: Quod, si verum est, injustitiâ insigniore non vacat. Quin idem Alexander M. cum ipse militem temianimum folio regio imposuisset ac refecisset, nihil quidem poenæ in eum statuit, sed tamen apud Persas id capitale esse dixit, referente Val Max. *lib. 5. cap. 1.* quæ urique lex capitis huic militi quo inscio sensusque omnis experte, ipso quoque Rege auctore, id factum fuerat, applicari non poterat. Sed & quisquis illicitis insignibus utitur, lege Cornelia de falsis tenetur. *l. 27. §. ult. ff. Ad l. Corn. de Fals.*

At privata familiæ alterius insignia alter adsciscere, & ubique in suo pingere potest. *per l. 63. §. 10. ff. ad Sc. Treb.* quia eodem jure, quo prior Pater ea sibi elegit, alter quoque eandem sibi imaginem adsciscere suisque rebus insignium titulo inscribere potest: nisi id in fraudem alterius fiat, ut additur *in d. l. un. C. de mut. nom. Verb. sed sine aliqua fraude*: uti, si homo vilis seu turpis notæ, Clarissimi Viri seu familiæ, aut opifex vulgaris, egregii alicujus artificis insignia usurpet, mercesque suas iis designet. Ita plebei non possunt uti galeis apertis, quia illa Doctorem Equestrisque dignitatem insigniunt. Besold. *de Nobilit.* Sed & licet nihil dolo fiat, si tamen alterius inter sit ratione insignium suorum, ne alter iisdem utatur, huic usus eorum interdictur, *et dilecta 14. vers. de Excess. Præl.* Quod intelligendum est de nova insignium adoptione; si enim uterque ab antiquo insignia eadem jam habuit, neutri jus quæsitum auferri debet. Non facile autem familiæ, imprimis illustris, alterius familiæ insignia assumit, tum quia distinguendis familiis insignia inventa sunt, tum, quia variis indutuli, variaque jura duci solent, confundique possunt. Unde nulla mihi videtur conjectura Freheri, qui Henricum Co-

Comitem Palatinum Rheni, è domo sua Brunovicensi Leonem Palatinatui colore murato intulisse, longæque certius idem Autor Leonem Palatinum esse vetustissimum illud insigne Pipinorum, Comitum Palatinorum, quique inde nati sunt Regum Francorum, qui Hunnibaldoteste, jam Leonem pro insigni familiæ gesserunt, conjectat, vid. Freher. *de Orig. part. 1. c. 12.*

Quæst. 3.

Ad §. 7. Quod titulis suis non terras modo & M^aria.

An maria occupari possint? Resp. 1. occupari, id est, in potestatem redigi naturaliter, perinde ac terras, ita ut natura posse maris nullo modo repugnet: quanquam Grotius *tract. de Mari lib. 5 tract. d. 7. B & P. lib. 2. cap. 2. §. 3.* dissentiat. Resp. 2. Posse etiam de jure maria occupari, sed salvo omnibus communi jure navigandi, de quo *ad sect. 3. art. 3. quæst. 2.* Ita Jupiter apud Virgil. *lib. 1. Æneid.* Veneri, filiaæ suæ prædixit ac pollicitus est, ex sanguine. Teucrorum orituros Romanos, *Qui MARE, qui terras omni ditione tenerent.*

Quæst. 4.

Ad eund. §. Verb. Sed navigationes quoque.

An regalia & Majestatis jura etiam in ipsas navigationes & commercia statui possint? Ratio dubitandi est; quod illa nihil sint nisi facta; jurisdictiones autem & regalia jura territoriis inhæreant. Item quod navigationes quoque & commercia jure naturali sint communia. Verum per navigationes hic non intelliguntur facta sed jura; totum navigandi commercique negotium: in quod alii Imperium & regalis potestas comperere potest, cum ratione personarum navigantium, tum ratione portuum, ac fortaliorum, quæ in littore habentur, & quibus navigationes defenduntur. Nec jus privatum navigandi, quod omnium commune est, & in privatis utilitatibus consistit, per hoc imperium tollitur.

FINIS.

BILANCIJUSTITIÆ BELLI ET PACIS
IMPOSITA.

Epigramma I.

Ad Serenisf. & Potentissimum
Lusitaniæ Regem.

*Postulasti tibi Sapientiam ad discernendam judicium, 3. Reg.
c. 3. v. 11. 12.*

JUSTITIAM Pacis tibi consecro Pacis amanti,
JUSTITIAM Belli juste Monarcha tibi.
Tu Numa Lusiadum, gnarus sine labe tueri
JUSTITIAMQUE sagi, JUSTITIAMQUE togæ.
Nupta dum Regi *Sapientia* cominus adstat,
Quid, nisi quod rectum est, pender amica Themis?
Ergo tibi statuo signatum hac laude Colossum:
Hic justus Patriæ dicitur esse Pater.

Epigramma II.

Ad Serenissimam Reginam.

TENSA protecturæ tibi valea Favonius implet,
I pere Lusiadum Sponsa *Sophia* Lares.
Jam tibi panduntur prædivitis ostia regni,
Jamque tibi *Petri* Regia tota patet.
Virginibus fatuis occludit limina Sponsus,
Lumina nî rutilent, limina nulla patent,
IV Virgo saplens ornatâ LaMpaDe tVLges,
CVI relerata tVI lanVa regis erit.

L

Epi-

Epigramma III.

Ad utrumq; Regium Conjugem.

Fortia connubii durabunt vincula vestri,
 Nam fortis forti juncta *Leana Petre est.*
Petra procellosas irridet Thethyos undas?
 Quis nescit vires nupta Leana tuas?
 Si movet Herculeos Lethum furiale lacertos,
 Non domat Alcidis tam cito clava duos.

Epigramma IV.

Ad Illustrissimum & Excellentissimum Dominum,

**DOMINUM EMANUELEM TELLESIUM
 SYLVIVM,**

Comitem Villar-Majorium, Dominum Alegreti & Præ-
 ceptoriarum Albufeiriæ, Mauriæ & Souriæ, Sacræ Lusitanicæ Majestati à consi-
 liis status & belli, primæ admissionis cubicularium, Regni portoriorum
 Præfectum, & ad Serenissimum Principem Elect. Palat. Le-
 gatum Extraordinarium.

SE, Paranymphe, tuæ subdit mea paginæ limæ,
 Quas tibi crediderit, nam scio, Pallas opes.
 Quos habet implicitos quæcunque scientia Criphos,
 Explicat aoniis hos tua lingua modis.
 Mente tuâ Sophicos indagatrice recessus
 Et Themidis lancem discere cura fuit.
 Debebat *Sapiens*, quando *Sapientia* nupsit,
 Mitri, qui posset Regis obire vices.

Ad